

清

史

稿

清史稿

列傳二百二十

金國琛

黃淳熙

吳坤修

康國器

李鶴章

吳毓蘭

金國琛字逸亭江蘇江陰人咸豐中以諸生謁羅澤南於江西使參軍事每出戰部伍嚴整倉猝犯之屹然不亂轉戰弋陽廣信武昌黃州累功擢知縣七年李續賓代澤南使總理營務率師會襲湖口克之進復彭澤小姑洑泰坪關擊退援賊曾秩同知直隸州八年從克九江窺安徽下太湖潛山桐城續賓戰歿三河國琛與其弟續宜招集散亡勞徠撫慰重申紀律軍勢復振九年秋石達開犯湖南閩資慶國琛從續宜赴援與山家渡賊爭又敗賊賀家均斬悍賊胡德孝賊走廣西擢知府其冬胡林翼督國藩規皖精兵猛將萃於潛山太湖陳玉成糾衆數十萬結搶匪襲瞎子關鮑超於小池驛救兵迭失利先是林翼以國琛行軍善規地勢令率十四營冒雪趨天堂備援至事急乃出高橫嶺屯仰

天庵俯視賊營皆在目中賊驟見旗幟大驚十年正月賊乘霧登山來犯國琛  
揮軍突起躡之合山下軍奮擊斬馘逾萬乘勝克潛山太湖林翼疏陳非飽軍  
之堅忍不能久持非國琛之出奇制勝不能轉危爲安論功擢道員十一年粵  
匪復犯湖北國琛馳援武昌連復孝感雲夢進攻德安賊曾馬融和死嗣卒以  
長圍克之加布政銜尋授湖北安襄鄖荆道仍兼治軍樊城地衝要商賈所集  
督軍士築土城不煩民力賴爲保障時捻匪西擾關中命國琛率師赴援以鄖  
西戒嚴留未行同治元年馬融和以衆六萬圍南陽國琛越境往援力戰解城  
圍拔出難民數萬巡撫嚴樹森忌之劾其不遵調度以同知降補二年曾國藩  
調統義從管擊賊徽州屢捷於豹嶺佛嶺黃備口小溪皖南肅清復原官補甘  
肅鞏秦階道以母老假歸光緒元年起復廣東督糧道擢按察使五年卒于官  
國琛以儒生治軍十餘年堅苦踔厲號爲名將居官亦有政聲

黃淳熙字子春江西鄱陽人道光二十七年進士湖南即用知縣歷署綏甯會  
同剛直爲時所忌引疾閒居咸豐三年巡撫駱秉章廉知其賢使強起之咸豐

七年署湘鄉有異政尋丁父憂鄱陽方陷賊移家於湘鄉曾國藩方起督浙江軍辟參軍事不就九年石達開犯湖南秉章檄淳熙募勇千六百人防守城時出勦賊達開由寶慶竄踞嶺東分黨犯江華淳熙破之於挂勾嶺遂夜襲嶺東賊營逼至江藍殲殪甚衆進勦賊黨賴裕新乘霧敗之破杉木根黃馬寨而還十年達開黨衆四出淳熙轉戰於永道綏靖諸州復宜章桂陽前後三十餘戰皆捷累擢知府以道員記名所部曰果毅營增至三千人駘秉章奉命赴四川督師湘軍名將勁兵多從曾國藩胡林翼劉蓉薦淳熙兵精善戰秉章遂以淳熙與劉獄昭從行至荊州獄昭復留獨淳熙以所部當軍鋒分道泝峽上次萬縣聞順慶被圍率師赴援五月至賊走定遠追之距定遠二十里望賊屯城西南連十餘里城東北江水環繞賊方造浮橋渡水淳熙分三路進遇賊即前搏之擲火焚其屯賊大亂爭走二十餘壘悉潰禽斬數千級首賊何國樑解散脅從萬餘人賊黨彭紹福率衆千餘屯東岸收集潰賊竄二郎場淳熙銳進欲一戰平之二郎場在山中羊腸曲逕通遂畱兩路均爲涪江阻別賊朱甲衆數千

由吉岡壩至四路設伏淳熙遣偵不見賊五鼓師行遇賊燕子窠擊走之逼二郎場賊分兩路逸山麓上淳熙知有伏令諸營左右搜捕自率中軍策應兵分伏賊起偏布山岡官軍走田塍泥深輒陷淳熙率親卒拒戰被圍策馬突陣陷淖中棄馬手刃十餘賊中矛仆擁至場支解燔之賊燭其軍勇猛不復追餘部整隊還賊亦遁走淳熙雖戰歿湘軍之威因之頓振詔贈布政使賜鵝加贈內閣學士謚忠壯

吳坤修字竹莊江西新建人捐納從九分發湖南道光二十九年振湘陰水災勤於事從勦李沅發以府經歷縣丞補用咸豐二年粵匪犯長沙以守城功擢知縣曾國藩創立水師坤修司軍械四年水師攻九江入鄱陽湖爲賊所阻不得出令坤修單騎往南康導往吳城南昌五年率舟師防瑞豐以父憂歸既而武昌復陷坤修從羅澤南援湖北復咸甯蒲圻崇陽通城累擢同知賜花翎進規武昌六年江西軍事不利胡林翼令坤修領新募軍曰彪字營會湘軍援江西復新昌上高由新昌取道羅坊攻奉新梯城而登賊死守不能拔乃先下安

義靖安後萃軍奉新時江西餉粄坤修傾家資并勸族里富人出銀米餉軍又  
籌銀四萬兩解省垣收集平江潰勇七年春克奉新累擢道員尋授廣東南韶  
連道仍留軍克瑞州是年冬東鄉師潰被劾褫職九年駐師撫州江西巡撫耆  
齡檄督辦撫建甯三屬團練始立團防營駐貴溪移德興出援徽州十年克建  
德秋徵防軍潰坤修方假歸其弟修數攝軍事守嶺外郭鄭調回江西曾國藩  
令守湖口而巡撫毓科檄援建昌賊由金谿竄東鄉坤修自撫州迎擊於鄧家  
埠大破之賊復出貴溪竄安仁遏之不得渡河乃竄德興萬年將擾景德鎮坤  
修由饒州馳援景德以固祁門大軍後路會賊由建德上犯國藩令援湖口坤  
修且戰且進先賊至城恃以完加鹽運使銜同治元年李秀成自蘇州援江南  
分犯蕪湖會軍擊郤之又會克金保圩高淳溧水及溧陽東堵各要隘遣散降  
衆數萬三年加布政使銜江甯克復以按察使記名四年署徽甯池太廣道授  
安徽按察使五年署布政使六年巡撫英翰駐潁州出境勦捻坤修轉輸餉餌  
未嘗遲乏七年署巡撫實授布政使東捻平請假回籍補終父母喪九年回任

十一年卒巡撫英翰疏陳其戰功政績賜卹贈內閣學士

康國器初名以泰字交修廣東南海人少爲吏員道光末從軍以勞授江西贛縣桂源司巡檢咸豐初粵匪犯江西土寇鑿起國器募死士三百贛南道周玉衡檄擊賊烏兜良口克萬安造船三十艘習水戰六年從克饒州累擢知縣署南城石達開陷瑞撫臨吉四郡國器從克樟樹鎮連戰瑞州臨江鉛山安仁撫同知十一年廣東巡撫耆齡檄勦陽山賊賊踞藍山地阻絕負隅十餘年國器緣崖歷礪出賊後破石柵九奪礮臺毀其老巢遣子熊飛單騎說降剿賊練四虎其魁梁柱走豬頭寨穴山攻獲之進軍赫嚴禽賊渠周裕等藍山平擢知府同治元年援浙從將益澧圍湯溪明年春克之擢道員三年克餘杭功最多授福建延建邵道始專統一軍粵匪汪海洋犯閩陷武平永平李世賢踞漳州龍巖與之合旁郡縣多沒於賊左宗棠議三路進兵國器自請當龍巖進軍雁石令熊飛壁鐵石洋三戰薄城下破其衆數萬並收古田援賊四年正月遂克龍巖賊走永定分踞苦竹奎洋勢猶熾國器進擊苦竹乘夜大霧火賊營破二十

餘黨海洋以悍黨來援敗之於東阮又敗之大溪乃竄廣東大浦境未幾海洋復犯永定國器馳燬羅灘橋賊分七路來撲海洋自陣獅龍嶺所部皆死黨旗幟徧巖谷國器曰賊精銳盡萃於此若摧之餘衆必奔乃堅壁深溝伺怠出擊先破其伏分道猛進斬馘數千盡獲其軍質海洋跳而免時漳州亦下李世賢西遁遇國器於塔下縱兵擊之降其衆二萬人海洋走廣東踞鎮平國器進壁鎮平東南高思塘分軍扼程官埠賊數來犯却之國器知海洋將襲高思而虛攻程官埠乃戒程官軍勿爲動設伏兩山間海洋果率悍黨來撲誘入伏突起槍斃其梟汪大力黃十四海洋傷腕陣斃及墮巖礮死者無數胡瞎子攻程官亦敗走尋克鎮平十二月會諸軍擊賊嘉應海洋伏誅餘孽悉平五年擢按察使七年遷廣西布政使十年護理巡撫十一年內召以疾歸光緒十年卒左宗棠疏陳戰績請卹格於吏議特詔允之國器治軍能以少擊衆常傷足而跛軍中號康拐子悍賊皆畏之子熊飛積功至浙江候補道勇而有謀常爲軍鋒國器數獲奇捷實資其力云

李鶴章字季荃安徽合肥人大學士鴻章弟諸生從父兄治本籍團練屢出戰有功以州同用咸豐十一年從克菱湖賊壘復安慶擢知縣賜花翎同治元年從鴻章援江蘇常率親兵佐督戰北新涇四江口諸役功皆最又攻枝福山許浦海口賊壘招降常熟踞賊錢森仁鴻章引嫌奏捷不敘其勞特旨詢問命一體議敘以知州用加四品銜二年會克太倉規蘇州分諸軍爲兩路其進崑山一路以程學啟爲總統由常熟進江陰者鶴章督之迭戰於常熟之王莊江陰之南湖北湖顧山毀賊壘破援賊會克江陰擢知府進攻無錫踞賊黃子漋死守李秀成屢來援及蘇州既克潰賊亦崩衆鶴章督水陸諸軍力戰克之以道員記名簡放詔嘉鶴竟能與兄同心戮力爲國宣勤此次未行破格之獎爲鴻章功不自私俾得報勞將士鼓舞衆心指日常州金陵次第奏捷克成全功更當與郭松林劉銘傳等同膺懋賞鶴章進封常州與劉銘傳會攻破援賊解奔牛之圍三年四月克常州賜黃馬褂授甘肅甘涼道是年冬曾國藩調其軍赴湖北四年以甘肅回亂棘命赴本任鶴章以傷發未行尋疾甚國藩爲奏請開

缺留襄營務未久乞病歸遂不出以捐助山西賑金加二品銜光諸六年卒於家曾國荃疏陳李鴻章平江蘇鶴章與程學啟各分統一路請將戰績宜付史館於立功地建專祠允之子經義官至雲貴總督弟昭慶初從曾國藩軍淮軍既立國藩留五營令昭慶領之駐防無爲廬江同治元年從鴻章至上海解常熟圍克嘉興常州皆在事有功四年國藩督師勦捻匪昭慶總理營務統武毅忠樸等軍及鴻章代國藩令赴前敵擊賊馳逐鄂皖東豫之間累擢至記名鹽運使撫匪平留防江淮十二年卒贈太常寺卿

吳毓蘭安徽合肥人咸豐十年粵捻合擾皖北毓蘭以從九品偕兄毓芬集剛練助勦鳳潁間從解壽州固鎮縣丞同治元年李鴻章率師援上海毓蘭從軍東下克柘林奉賢南匯川沙青浦金山皆與有功擢知縣二年克嘉定解北新涇四江口之圍加同知銜領華字副營擊賊吳江八斤牛尾墩同里等處進克平望黎里調守嘉善三年率所部從總兵程學啟攻嘉興戰於合歡橋毓蘭率槍船冒險渡河先破賊卡繞出賊營後立拔之進抵城下賊以巨礮拒河口學

啟被傷毓蘭率先鋒攻益屬掘河口架橋濟師晝夜環攻轟陷城垣百餘丈賊死抗不下賊酋黃文金自湖州來援力擊走之遂克嘉興毓蘭緣梯先登擢直隸州知州賜花翎調守溧陽降賊屯城中勢岌岌突有金壇賊至毓蘭與兄毓芬議乘賊初至破之設伏以誘賊敗走烏鵲嶺毓蘭與毓芬兩路夾擊愈斬無算窮追至建平境陣斬賊將林得英黃有才禽黃金龍溧陽既定調守長興時大軍已破湖州毓蘭偵賊將竄泗安鎮與毓芬夜率健卒八百冒雨疾走潛渡觀音橋賊不意兵至棄糧械而走追至泗安降者數千敘功擢知府四年調守揚州移廬州五年回屯揚州追論平浙西功以道員選用六年摶匪賴文光敗竄至揚州爲毓蘭所獲以道員記名簡放七年尋加布政使銜十年李鴻章調充海防營務處筦天津機器局光緒六年授天津河間兵備道濱海多盜毓蘭按名捕置諸法修南運河子牙河隄及千里隄濱靜海軍糧城河道興水利八年卒優卹附祀曾國藩天津專祠揚州建專祠

論曰金國琛爲羅李舊部黃淳熙後起獨立一幟雖非楚籍並爲湘軍名將淳

熙戰勝殞身國琛遭忌鐵羽皆未盡其才吳坤修康國器起於令尉功施爛然  
李鶴章才績出衆堪膺大用後竟不出吳毓蘭以禽獲巨憲顯名功名之際遭  
際固難測哉

清史稿

列傳一百二十一

沈棣輝

鄧仁煌

余炳熹

栗耀

朱孫貽

史致誦

黃輔辰

朱善張

沈棣輝字奏箚浙江歸安人少游淮上爲河督麟慶司章奏道光中納資爲廣東通判補廣州永寧通判擢黃岡同知以功晉知府補韶州咸豐二年調署廉州時嶺蟠羣盜並起李士奎顏品瑤黃春晚等分踞欽州之那彭靈山之林墟衆數十萬棣輝至出賊不意率兵二千掩入那彭殲之急分千人趨林墟賊空壁出關棣輝已由間道入其巢遂連克旁近諸賊壘博白賊劉八伺隙襲廉州馳還遇賊五里亭令列陣以待賊疑有伏稍引去呼噪乘之賊大潰休兵十日而進又殲賊靈山早禾浦追至廣西橫州斬劉八廉州平總督徐廣緝駐梧州

勦艇匪檄棟輝出鬱林援潯州賊舟數百圍城攻甚急遺卒梯而入約期會戰  
伏兵兩岸縱火焚賊舟與城兵夾擊大破之督諸軍窮追梧州水師邀擊沈賊  
舟無脫者論功加按察使銜時廣西賊竄湖南徐廣縉督師移剿棟輝隨參軍  
事廣縉罷葉名琛督兩廣調棟輝回廣東治軍需先已授廣西左江道至是調  
肇羅道四年署廣東鹽運使陳開者廣州匪首倡亂踞佛山羣賊何子海豆皮  
春李文茂等應之踞石門金官窟爲犄角連陷數十州縣環省皆賊壘賊渠陳  
洮洮屯河南岸何博奮海艇千餘踞省河道路梗塞外援皆絕名琛悉以軍事  
付棟輝選精銳四千人以二千駐流橋西山廟爲兩翼以千人伏城中出小西  
門分布要害多張旗幟爲疑兵賊四面薄城城內發礮中賊陣亂縱兵擊之斬  
級千賊自是不敢近城至十一月閏未解棟輝謀於衆曰今外無援兵內無積  
儲聞賊中因爭食內攜急擊不可失乃自將千人出攻小港橋賊堅日晡未下  
忽見賊營火起大呼曰賊破矣士卒皆奮克之乘勝進攻佛山值大霧賊不虞  
其至連戰皆捷遂復佛山聞東莞水賊由石門犯省城還軍救之至黃竹岐賊

船數千官軍僅數百艘又居下風勢甚危棣輝禱於南海神俄而反風令裨將何高漢駕燐輜衝入賊陣碎其乘舟大破之殺賊萬餘俘數千溺死者無算危城獲全又分兵殲賊曾黃福於諭州五年復順德清遠英德賊圍韶州城已年餘至是聞援兵至遁南北路悉平擢按察使六年擢貴州布政使未之任卒賜郵贈內閣學士棣輝以文吏治軍明賞罰均甘苦尤能知人則劉八時招撫馮子材後立大功爲名將何高漢乃賊何博奮之弟推誠馭之賴以成省河之功廉州潯州廣州三戰皆履險犯難卒得大捷尤爲時稱云

鄧仁望字厚甫湖南武岡人道光五年拔貢以知縣用發四川厯署梁山江油洪雅補綦江調富順廳卓異以憂歸服闋入資爲知府補江西南安調署廣信所至皆有政聲署督糧道咸豐二年粵匪趨湖南仁望請修省城籌守禦三年春賊由武漢蔽江下九江不守巡撫出防民爭遷徙仁望諭令安堵上守江議請增兵扼湖口又條上城守事宜實授督糧道五月賊犯江西會江忠源師抵九江仁望請巡撫疏調且遣使迎其師忠源至入任城守與仁望語合巡撫張

芾傾心倚任曰戰間江君守間鄧君地雷屢發壞城皆以力戰獲完仁望欲出奇計焚賊舟以鄱陽知縣沈衍慶忠果有謀令率所部千人備草船藏火藥約期襲賊議阻未果仁望改糧船數十艘爲礮艇募卒扼守進賢門以保饟道自夏徂秋乃引去仁望曰賊未受大創去禍未已也亟請大修城以備乃督工建礮城礮臺城上官房營棚軍器庫硝礦庫瞭臺望樓皆備浚環城濠深廣各丈築臨濠礮臺石爲隄闢用銀十四萬有奇守禦之具可恃五年賊自湖北犯義寧仁望令道勇五百人往援會贛州知府率勇二千至仁望請令駐義寧巡撫陳其遇令防饒州仁望曰義甯扼三省要衝官民頻年固守國防爲江省最若棄不救後將不能責官以守城責民以團練力請改援不許僅以二百五十人往助守中道遇賊潰義甯尋陷未幾羅澤南師至仁望固請往攻義甯爲措餉十萬濟之澤南尋克其城十月賊陷瑞州臨江圍吉安下游賊復萃九江湖口南昌大震仁望添募捍衛保衛軍城備益嚴曾國藩令副將周鳳山率三千五百人規臨江瑞州戰勝樟樹鎮時按察使周玉衡孤軍守吉安仁望請檄

鳳山乘勝援吉安衆議倚鳳山蔽省城仁堃爭曰賊知城高池深難卒攻必爲  
翦枝及本之計先擾郡縣使會城孤立然後大舉而攻之若懸賞二萬金周軍  
必賈勇以解吉安圍瑞臨皆可復吉安失則撫建必相繼不保馴至全省糜爛  
會垣且坐困矣終不聽六年正月吉安陷周玉衡死之鳳山軍潰於樟樹鎮撫  
州建昌亦陷南昌屬縣並爲賊躡仁堃兼署按察使布政使子輔綸偕同知林  
源恩同率平江勇三千餘人益以寶勇志同軍進規撫州復進賢國藩亦檄李  
元度率勇四千自湖口移師會之復東鄉兩軍合破賊河東灣攻撫州久不下  
援賊驟至營陷林源恩死之學政廉兆綸劾輔綸臬司子不應與兵事並劾仁  
堃辦城工不實事下國藩及巡撫文俊按治坐修城時未先請勘估降五級調  
用國藩疏言仁堃所承修爲南數省第一名城七郡並陷省垣終保不爲無功  
仁堃既歸輸穀三千石助軍十年協守武岡以功議敘同治五年卒

余炳叢字吟香浙江會稽人道光元年舉人充景山官學敎習期滿以知縣用  
分發陝西補清澗調藍屋又調渭南回人馬得全等謀不軌親入其巢捕之竄

諸法擢河南懷慶知府咸豐三年粵匪北犯竊開封遂渡河圍懷慶時郡城兵僅三百炳燾選團勇三千人登陴固守募敢死士繩城下砍賊營又潛毒城外汲道使自斃賊以地雷墮城者三皆擊退一日雷雨中礮火銳集危甚天忽反風賊燔死者衆勢頓沮賊於近城樹木柵以斷內外爲久因計山東巡撫李憲先赴援既而援軍四集詔大學士訥爾經額督師圍久城中糧漸不支炳燾素得民心激以忠義括糧節食人心不涣屢詔促戰都統勝保將軍托明阿等迭敗賊賊始入山西竄凡被圍五十八日乃解特詔褒獎賜花翎以道員用擢陝西鳳翔道尋改授河南南汝光道未幾就遷按察使大河南北以防匪倡聯莊會遇警相救及賊去衆而不散莠民恃衆抗官四年禹州鄭州密縣登鄆變圍城焚署縱囚掠紳民巡撫英桂出防信陽咸請兩司奏聞待命炳燾曰賊雖衆皆烏合志在剽掠無紀律速臨以兵必驚潰解散其黨不久魁渠可縛也若請朝命遲將蔓延遂親率兵七百勇五百馳往勦撫兼施事即定尋署布政使總首張落刑擾歸德命炳燾往勦攻雉河集解亳州圍又潛入永城擊走之既而

歸德又有警炳蒸駕而他軍遽退賊遂東逸炳蒸染病特旨予假治理不開缺七年卒懷慶請祀名宦祠

栗耀字仲然山西渾源人東河總督毓美子道光十五年舉人以父卹蔭特賜進士咸豐三年授湖北漢陽知府至則漢陽再陷行省未復督撫皆寄治軍中委耀綜理營務四年從大軍復武漢未幾賊大至城復陷六年始復叙功晉秩道員耀以廉幹爲巡撫胡林翼所器令筦釐稅糧臺八年署荆宜施道尋加按察使銜授武昌道仍留署任兼督鈔關軍餉皆仰資鹽榷耀綜核嚴密稅入羨餘悉籍入公修戰艦增軍屯水陸戰守皆有備十一年賊逼施南耀請重兵復集民團守山險賊合川匪分掠宣成諸縣施南協副將禦之遇伏一軍盡沒會劉獄昭軍至與郡兵夾擊賊大創竄歸松滋人馬鉢者挾左道惑人衆至數千密通賊官軍禽斬之耀料賊不知鉢死必復至集水陸軍密爲備賊果趣夔州遇官軍輒敗及知馬鉢已誅遂大潰水陸合擊俘斬萬餘自是川匪無敢犯楚境會大兩荆江暴漲蜀攻萬城隄耀督兵民備畚掘儲土石立泥淖間躬視板

築信宿隄上事定乃還在荊州四年政教大行署按察使兼攝布政使甫踰月授湖北按察使燿以其父毓美曾任是職乃頽其堂曰誦芬同治元年擢布政使未任卒

朱孫貽字石翹江西清江人入貲爲刑部主事改知縣督湖南歷署甯鄉長沙皆有聲三十年署湘鄉漕務積弊屢釀巨獄孫貽莅任鄉民方脣集環謀孫貽令曰新漕限迫驟改革弗及來年當爲若剔腋削弊敢煽動浮言者罪之會匪切近災也亟繕獻衆唯唯散發捕盜魁陳勝祥劉福田等實之法稔知邑士之賢者舉羅澤南孝廉方正縣試拔劉蓉冠其曹廷王金襄幕於康景暉李續賓續宜皆獎易之廣西匪熾孫貽集衆曰賊勢未易殄北竄湖南當其衝欲衝間里非剛練鄉兵不可王金等曰謹奉令總督程矞采防衡州孫貽以策于之不省會匪驟起借劉蓉康景暉往捕孫貽中彈裹創戰於湖洞擒賊目王祥二熊道州江華永明桂陽郴州孫貽集團丁分三營以羅澤南領中營易良幹副之聰一王金復捕賊百餘檣致總督行營前後七百餘人咸豐二年洪秀全連陷

王金領左營楊虎臣王開化張運闡隸焉康景暉領右營羅信南綜糧精謝邦  
翰治兵械推古人陣法制爲起伏分合湘軍紀律自此始長沙圍未解王金康  
景暉趙煥聯分駐要隘羅澤南易良幹防縣城伏莽奮勦即時捕滅縣境肅然  
三年巡撫張亮基聞湘鄉團丁名調防省城孫貽令王金羅澤南羅信南劉蓉  
率之往四年孫貽率團破安化藍田賊擢郴州直隸州江忠源奉幫辦軍務之  
命與曾國藩議授江西令孫貽率湘軍赴之羅澤南領中營易良幹領前營謝  
邦翰領右營康景暉領左營楊虎臣領後營羅信南領親兵營共三千人至南  
昌戰永定門外大破賊謝邦翰易良幹羅信東窮追被戕孫貽哭之慟以李續  
賓代領右營羅信南兼領前營吉安土匪鄒恩漋應賊孫貽扼樟樹鎮分軍令  
澤南續賓及劉長佑勦平之南昌圍解凱旋加知府銜擢寶慶知府諱才俊嚴  
保甲懲積匪一如治湘鄉時捐寺觀資產製旗械軍火募戰士千人發義倉常  
平儲穀充餉親歷各鄉訓練捕新寧山門圍匪誅之五年粵匪陷東安率千人  
偕副將聯席馳扼五峯鋪賊不敢犯衡陽土匪起出境平之六年駕乘章疏薦

人才記名以湖南道員簡放尋以治防功被優敘八年勞崇光調赴廣西假滿未出降一級調用仍治湘寶團防十年會劉長佑克廣西柳州開復處分賜花翎加按察使銜駕乘章赴四川督師奏調孫貽總理管務同治元年擢授浙江鹽運使秉章奏治川省團練孫貽與秉章左右議不合引疾請罷命力疾赴陝西佐理多隆阿管務以病辭終不復出光緒五年卒

史致誦字士良順天宛平人原籍江蘇溧陽道光十八年進士選庶吉士授編修道光末出爲江西廣信知府咸豐元年署南昌三年粵匪犯江南九江戒嚴南昌訛言四起城門晝閉致誦請開城以安人心尋回廣信任賊陷饒州致誦募勇號信新軍因險設防與浙軍爲犄角四年調南昌江西諸郡行淮鹽惟廣信行浙鹽軍興淮鹽不至致誦識借銷浙引以餘息充餉名曰餉鹽從之即以致誦襄其事年餘銷引逾常額江楚及浙皆利之賊陷武寧致誦率信新軍赴剿迭挫賊於紫鹿嶺巾口火爐坪箬田復武寧是年冬南昌戒嚴援師大集主客軍不相下致誦協和將吏客軍二卒持刀擾質庫立斬以徇五年兼署鹽法

道尋以母憂去官留襄軍事九年服闋命赴浙江交巡撫王有齡差遣同治元年署寧紹台道寧波自前歲陷於賊資洋兵之力復城方謀畫曹娥江而守尋以法總兵馬籌思所部與廣勇互調廣勇潰賊乘間竄慈谿奉化致謗至慈谿已陷激厲民團登陴固守與英總兵哇樂克稅務司法人日意格推誠相結以美兵官華爾忠勇可用介以相見令攻慈谿以駐餘姚之洋兵及同知謝采璋團勇應之慈谿賊分擾鄞縣境及半浦而嵊縣新昌城復大舉犯陳公嶺華爾克慈谿中破歿於軍陳公嶺不守奉化復陷郡城又警致謗乞餉於上海令都司楊應龍募忠勇軍紳士李謗招大嵐山義勇又以廣勇潰散慮爲賊用招之回令洋將布興有布良舉守備張其光分統之部署甫定賊由間道犯郡城天雨陰霾勒兵以待伺賊懈出擊之分兵兜剿連捷於橫溪石橋進薄奉化楊應龍率死士以梯登城下之時致謗已實授甯紹台道奉化竄賊復勾結上虞賊分道犯慈谿餘姚致謗以賊衆兵寡分援則力弱難直擣上虞賊必還救因出師漸遠郡城餉事不能兼顧乃請巡撫疏免前署道張景渠罪責其專任兵事

連復上虞嵊縣新昌增軍萬人進規紹興二年復之進克蕭山與大軍會於錢塘江浙東以平巡撫左宗棠奏減杭嘉湖三府漕賦致謁上書言蠲賦惠政減正額尤富革浮收各縣情形各異當擇大者奏咨餘並著爲省例以盡通變之宜三年以籌餉功加按察使銜賜花翎先以衰老乞歸未允至是原品休致卒於家

劉鄧膏字松巖河南太康人道光二十七年進士江蘇卽用知縣咸豐元年署婁縣有政聲三年粵匪陷江寧揚州鎮江相繼失守會匪劉麗川倡亂踞上海附近川沙南匯嘉定寶山青浦諸廳縣並陷巡撫吉爾杭阿檄鄧膏隨營剿賊鄧膏率漕勇三百復嘉定權知縣事遷丁壯嚴守望稽保甲籍游民民心大定敘功加同知銜賜花翎補青浦八年調上海租界華洋雜處數構讐鄧膏爭執是非不爲撓屈有招工誘逼出洋者親登舟搜獲並追回已去者民感之洋人亦帖服蘇杭既陷上海孤懸城中鄧膏練民兵四鄉設二十局以資保衛賊首李秀成陷松江進犯上海登陴堅守十餘日賊不得逞而去時大吏萃居上海

或讓他徙鄧膏曰扼城據海口爲餽源所自出異日規復全省必自此始奈何舍而去之十一年冬賊復陷浦東諸廳縣大吏檄鄧膏往援鄧膏曰賊勢張甚宜守不宜戰弗聽卒練勇鄉剛出戰果敗乃專職守治行上聞加道銜以知府用擢海防同知超署按察使尋實授命署布政使異數也李鴻章督師至命總理營務餉餌無缺兼協濟江寧大營兩軍月餉二十萬悉取給於上海漕吳淞江以通運道招集流亡通商惠工善後諸事次第舉行尋命護理巡撫丁母憂同治五年卒贈右都御史上海建專祠祀蘇州名宦

朱善張字子弓浙江平湖人諸生授桃南通判升婁河同知咸豐九年擢淮徐楊梅海道粵匪犯淮時擾江北嘉民乘時蠭起善張常在行間剿幅匪於海州流陽殲其渠魁花翎加鹽運使銜捻首張隆據浮山令水師伏臨淮焚其舟又卻之小溪粵匪陷天長撲蔣塘善張馳援殪其酋賜號庫木勒濟特依巴圖魯善張方駐揚州陳玉成來犯攻城發巨礮擊之賊結堅壘爲久困計援師集敗之七里店追越儀徵以西揚州獲安尋賊復督至連營至司徒廟善張晝夜守

陣時出殺賊賊卒不得逞引去十年捻匪陷清江浦率師克之築圩寨爲善後  
計同治元年調徐州道兼筦糧臺用堅壁清野法防捻匪從僧格林沁攻保贛  
老巢破之至清二年苗沛霖叛陷壽州圍蒙城普張知蒙城饑絕輸粟助之苗  
沛霖伏誅湖團之亂起湖團者始讓招流民開徵山湖自沛縣至魚臺戶數萬  
爭利亡命遷跡其中三年新團盜匪殺掠沛縣劉民寨圩善張會兵剿之未竟  
疽發背卒贈右都御史賜卹子之棟以廕授官補蘇州府總捕同知歷以海運  
敘勞曾秩道員官江蘇凡四十年筦釐務最久精於綜覈以剔除中飽爲職志  
地方利病無不洞悉署督糧道厯署按察使十二次布政使二次大吏倚之忌  
者衆屢被彈劾按治皆得白光緒二十五年清釐田賦歲增漕糧十五萬石丁  
銀二十萬兩二十六年海防戒嚴省城獄囚謀變之棟方署臬篆出情實者駁  
詮之事乃定宣統元年授淮揚道未任卒

黃輔辰字琴陽貴州貴筑人原籍湖南醴陵道光十五年進士授吏部主事累  
遷郎中遇事侃侃持正論屢忤上官不少屈時稱硬黃咸豐初以知府分山西

會貴州亂作連歸倡團練修碉堡積糧省城二萬餘石撫清水江諸苗平巴香  
亂以功晉道員尋赴山西署冀寧道餉辦總議加釐捐輔辰謂晉人皆賣於外山  
多地瘠非他行省比不宜病民爭之不得則謂獨苛細取大宗及不切民生日  
用者戶部設寶泉分局於平定州就鑄鐵錢滯不行則令分銷諸郡縣歲收息  
銀三萬解部輔辰謂京師用鐵錢以濟銅幣之乏山西勿便也今行各縣議令  
交納錢糧以三萬之徵利妨數百萬之正供利一而害百即專行平定一州日  
積日滯其患滋大議上遂罷之九年調赴直隸軍營察海口形勢請以重兵扼  
北塘當事迂其言不用尋乞假去至四川依總督駱秉章陝西自回亂地多荒  
蕪巡撫劉蓉議興管田輔辰書陳方略采官私書爲管田輯要三卷大旨在用  
民而不用兵與民興利不與民牟利蓉疏薦之五年授陝西鳳邠鹽法道任以  
西安同州鳳翔延安乾州邠州鄜州七屬管田事輔辰建議謂關中土曠人少  
非招徠客民事末由濟然耕牛籽種農具棚舍官不能給民不樂趨也莫若即  
以地界之藩收其租畝一斗爲差六年後給券使世其業慮田無限制賦無定

則吏得以意高下爲民患當先正經界略如古井田法量地百畝爲區編列次第書賦額於券視土肥瘠別等則上下授之凡領憑者以先後爲次十區爲甲十甲爲里置長焉里長總十甲租課歲輸之官凡移徙更替事皆責之別授田六畝俾食其入爲庶人在官者之祿而官總其成令下民皆便之復定考課舉勑法策奉行不力者奪年凡墾田十八萬餘畝時軍事急賴所入租麥以餉之又撥產給書院義學養濟院育嬰堂種痘局及湖岸隄工渠工諸廢皆舉尋卒祀名宦子彭年字子壽舉道光二十五年會試逾兩年改庶吉士授編修咸豐初隨父在籍治團練後入駙秉章四川戎幕數有贊畫功不受保薦同治初劉蓉廷主閩中書院久之李鴻章聘修畿輔通志兼主蓮池書院當光緒中法俄邊事迭起侍從近臣多慷慨建言彭年雖不在朝負時望中外大臣密薦之八年擢授湖北襄陽荆道遷按察使屏餽遺禁胥吏需索年餘結充控案四十餘起平反大獄十數調陝西署布政使十一年遷江蘇布政使連歲水旱米踊貴屬縣請加漕折巡撫欲許之彭年謂定例漕糧一石隨徵水脚錢一千所費僅

數百獨不可以有餘補不足耶今增漕折民間多出二十萬緡與國計無關蓋  
歸中飽持不可十五年護理巡撫請以賑餘三十萬緡濬吳淞江白茆河蘆藻  
浜工未及畢十六年調湖北布政使總督張之洞尤倚重之然守正不阿遇庫  
款出入斷斷以爭雖忤其意勿顧也未幾卒彭年廉明剛毅博學多通所至以  
陶成士類爲國儲才爲己任主講蓮池及在吳時設學古堂成就尤衆著有陶  
樓詩文集三省邊防考略金沙江考略歷代關隘津梁考存銅運考略子園瑾  
光緒二年進士官編修嗜學能文甚有時譽父喪以毀卒

論曰軍興以來監司賢者保障一方其功與疆吏等軍政財政各行省多有專  
任之人沈棟輝平廣匪余炳兼守懷慶其最著也鄧仁堃殲心籌防不盡見用  
朱孫貽提倡團練振興人材實爲湘軍肇基劉鄧齊主守上海以待援軍皆以  
一縣令有裨大局史致謗用外兵定甯波朱善張保障淮揚功皆可紀栗煙莞  
湖北稅釐黃輔辰興陝西營田並爲兵食根本黃彭年名父之子久負時望晚  
達未盡其用時論惜之

清史稿

列傳一百二十二

華爾

華爾，音烏爾。英國人，歷任印度總領事。

戈登

日意格

日意格，音吉特。英國人，歷任印度總領事。

赫德

赫德，音赫德。英國人，歷任印度總領事。

華爾美國紐約人嘗爲其國將弁以罪廢來上海國人欲執之會粵匪陷蘇州上海籌防謀練精兵蘇松太道吳煦識其才言於美領事獲免以是德之願效力俾領印度兵既撤自陳頤隸中國咸豐十年粵匪陷松江煦令募西兵數十爲前驅華人數百半西服半常裝從其後華爾誠曰有進無止止者斬賊迎戰槍礮兩下令伏無一傷者俄突起轟擊之百二十槍齊發凡三發斃賊數百賊敗入城踞之同入巷戰斬黃衣賊數人賊遁走遂復松江華爾亦被創先是煦與華爾約城克敵賊所有以予至是入賊館空無所得以五千金酬之令守松江又募練洋槍隊五百服裝器械步伐皆效西人同治元年賊又犯松江富林塘橋衆數萬直逼城下華爾以五百人禦之被圍迺分其衆爲數團陳陳五重人四嚮最內者平立以次遞俯槍皆外指華爾居中吹角一響衆應三發死賊

數百逐北辰山再被創力疾與戰賊始退遂會諸軍搗敵營殺守門者爭先入  
毀之是役也以寡敵衆稱奇捷時浦東賊據高橋偏上海華爾約英法兵守海  
濱而自率所部進擊賊大敗加四品翎頂會李鴻章帥師至滬迺隸戲下令立  
常勝軍益募兵三千俾教練參將李恒嵩副之餉倍發賊據王家寺與英提督  
何伯等合攻華爾賈勇先入大斬虜首進逼南翔賊亦悉衆轟拒何伯負傷華  
爾冒烟直進立毀其營生獲八百餘人遂復嘉定規取青浦華爾略東門城潰  
英法兵自西入華爾爲承賊奔爭赴水死攻奉賢法提督卜羅德遇害詔賞勳  
皮綵緘卹其家時恒嵩扼趙屯港四江口屢失利嘉青復危華爾方議直搗金  
山衛聞敗還守青浦而富林泗涇又相繼失迺棄青浦簡壯士五百趨天馬山  
破之入城翫守軍出併力守松江登陴臺擊兩晝夜不絕賊宵遁圍解官軍圍  
青浦華爾攻南門駕輪舶入濠燬城十餘丈麾衆登堞賊觸且走追敗之白鶴  
江黃渡復其城曾副將銜降敕褒賞俄僞慕王譚紹沈復來犯薄西門與總兵  
黃翼升各軍擊之賊潰奔北岸華爾毀其七營踰月會西兵再復嘉定其秋賊

十萬復犯上海華爾自松江倍道應赴與諸軍擊郤之時甯波戒嚴巡道史致  
諭乞援鴻章遣華爾偕往值廣艇與法兵構衅引賊寇新城從姚北糾道犯慈  
谿華爾約西兵駕輪舶三一泊灌浦一泊赭山一自丈亭駛入太平橋餘姚四  
門鎖而自率軍數百至半浦平日薄城方以遠鏡瞭敵忽槍丸洞胸遽踣地昇  
回舟餘衆悉力奮攻賊斂北門走華爾至郡城猶能叱其下恤軍事越二日始  
卒以中國章服歛從其志也鴻章請於朝優卹之予甯波松江建祠初喪歸煦  
檢其匱得金陵城圖賊所居處及城垣丈尺方位機悉畢具論者頗稱其機密  
云勒伯勒東德加理尼阿爾伯依都額爾法國加爾謨多人初爲本國水師參  
將咸豐十一年來上海時寇據甯波西人惡之益兵戍守遣勒伯勒東乘輪泊  
三江口同治元年從官軍克府城募壯丁千五百爲洋槍隊自陳願隸明年權  
授浙江總兵受巡撫寧波道節度時上虞賊犯泗門馬渚勒伯勒東軍餘姚以  
待尋與同知銜謝采輝直搃賊屯賊赴水死者千餘乘銳毀其卡薄城先登擊  
殺守陴悍賊餘宵遁城克赴煙浦略紹興以賊遺土礮往巡道張景渠止之不

聽未幾礮果裂負傷而死賜優卹以法參將法爾第福爲江蘇副將領其軍退  
守百官注爾第福又名買忒勒頗讀華書後攻紹興焚西郭門次日復戰潰十  
餘丈麾衆登城賊殊死鬪別有黑種人數十助之遂遇害優卹之

戈登英國人同治二年李鴻章檄領常勝軍二千攻常州福山營別遣呂宋兵  
乘小舟薄賊壘支木橋伏死士城墻下日中港東西賊營皆破緣墻入痛殲之  
遂奪福山石城圍解權授江蘇總兵進攻太倉毀南門賊卡戈登轟潰二石壘  
官軍繼進克之規取崑山與總兵程學啟度地勢以環崑多水惟西南通進義  
策先斷其歸路遂與駕輪船以偏師繞而西賊不虞其至也即時敗奔奪其四  
壘譚紹洸構悍賊來爭與諸軍大破之薄崑城借李恆嵩夾擊賊曾僞朝將先  
期逸去踰月學啟攻東城戈登自果浦河奄至扼守西路分道疾攻賊奪西門  
走阻水殲焉遂留駐崑城策應各路移師攻花涇港知賊必不誠率衆擊北門  
毀城外賊壘次日賊降收吳江震澤而還以事謁鴻章於上海先是白齊文閉  
松城索餉既撤潛通賊領二百人入蘇州戈登訶知之亟返崑山爲備旋攻蘇

城率軍三千與學啟俱力爭要害稍剪城外賊壘僞忠王李秀成聞警赴援屢敗而紹洸所部每戰猶致死自僞納王郜雲官以下皆萌貳志詣營乞降迺與學啟乘單舸會雲官等於洋澄湖令斬秀成紹洸以獻學啟與督戈登證之未幾秀成遁雲官殺紹洸開齊門迎降賞頭等功牌銀幣並犒其軍助攻宜興溧陽並擊退楊舍賊進規常州轟破南門合諸軍掘濠築牆以敗之叙功賞黃馬褂花翎賜提督品級章服初戈登與學啟爲昆弟交每戰必偕及誅降曾頗不直其所爲捧雲官首而哭晉不與見嗣聞學啟卒悲不自勝乞其戰時大旗二攜歸國爲遺念戈登歸後埃及亂督師討之遇害朝廷遣使往弔焉戈登嘗言中國人民耐勞易使果能教練可轉弱爲強又曰中國海軍利於守船礮之制大不如小當時稱其將略云

日意格法國人嘗爲其國參將駐防上海同治元年改調稅務司徙寧波復郡城與有功官軍攻慈谿遣法兵駁往策應會餘姚四門鎮陷遂與前護提督陳世章勒兵往討踰月直搗上虞城緣道築卡樹柵悉奪毀之薄城併力轟擊賊

殊死戰賈勇直前被創衆軍繼進斬級千賊始渡曹娥江去進攻奉化與諸軍克之攻安吉思溪雙福橋駕小輪船赴荻港燬袁家匯賊壘浙平左宗棠令與德克碑討測西邦製造仿造小輪船試行五年宗棠知廬州船政局充正監督度地募工殲心所事復籌設繪事院小鐵廠七年加提督銜賞花翎十三年以船政教導勞賞銀幣光緒年卒德克碑法參將初助攻奉化有功旋奉其公使檄將受代歸謁左宗棠宗棠撫諭之德克碑咸服願易服色受節度令駐守蕭山蔣益澧攻杭城檄助戰游擊何文秀攻雞籠山德克碑從寶塔嶺登岸攻倚城賊畢會天大霧賊構嘉興援賊自萬松嶺僉都司張志公管勢張甚德克碑率衆助擊敗之益澧督水陸軍並進連破九壘令總兵高連陞據其五德克碑據其二屯餽頭山轟潰城數丈燬鳳山門官軍爲承城遂復賊潰奔湖州攻安吉思溪德克碑率所部助之轟擊雙福橋不克駕小舟泊河汊火八角亭支木橋以濟賊阻兵中流不得進德克碑賈勇逼岸所部遇伏郤走改趨荻港越濠入克三壘事竣撤兵還上海五年充船政局副監督七年馬尾設船廠督役興

工賞花翎九年宗棠平回亂檄調甘肅隸麾下十三年錄經始船政勞膺獎賞後卒

赫德字鷺賓英國倍爾發司人咸豐四年來中國充寄波領事署繙譯官調廣州又充香港督署書記官九年改任粵海關副稅務司十一年總稅務司李泰國奉令購戰艦以赫德權代之赴長江新開各口岸置新關同治二年李泰國去職赫德實授徒駐上海三年置台灣南北新關還駐京加按察使銜八年晉布政使銜赴綠海各地度置燈樓塔表光緒二年佐定烟台條約十年赴金陵與法使議越南案會巡航置燈樓台灣洋爲法虜迺遣駐英稅務司金登幹赴巴黎申理乘機與議停戰草約還未幾其國授爲清轉駐使不就踰年賞花翎雙龍一等第一寶星十二年赴香港澳門條議洋藥稅釐併征並置關九龍拱北十三年薦使來華與訂澳門草約十五年藏兵寇哲孟雄英兵乘勢闖入赫德遣其弟稅務司赫政馳往與駐藏大臣會籌劃界諸事十九年賞三代一品封典二十五年與德使籌置膠海新關明年各國聯軍入京贊襄和議晉太子

少保二十八年召入覲賜福字三十一年與德使更議膠關章程改行無稅區  
地法尋與日使籌置大連灣新關征榷一如膠海三十三年東三省度地置關  
踰年謝病歸詔許之加尙書銜赫德官中國垂五十年頗與士大夫往還嘗教  
其子習制藝文擬應試未許總署嘗擬請授總海防司道員薛福成以其陰鷙  
專利常內西人而外中國上書鴻章力爭之議始寢辛亥後病卒賜優卹帛黎  
法國人同治八年來中國充福州船政學校教員十二年賞五品銜予雙龍獎  
牌明年調充江海關稅務幫辦歷鎮江北海甌海臨海粵海諸關光緒十九年  
晉三品銜調北京遷稅務司二十二年朝議行郵政以赫德兼領其事帛黎實  
參治之凡都會省城通商口岸漸次置局命曰大清郵政尋徙拱北二十六年  
還京明年遷郵政總辦晉二品銜置代办局於蘇湖二十九年河南山東山西  
貴州復置副總局自是內地城鄉村鎮街郵徧設時尙未入萬國郵政公會即  
已與日本及英屬印度香港聯約試行三十年賞雙龍三等第一寶星與法德  
及英屬那達商定聯郵章程先後成郵政六百餘局代办四千二百餘所宣統

三年改隸郵傳部設總局尙書盛宣懷疏薦之遂被命爲總辦郵局置官自此始越二年乞病歸未幾卒

論曰華爾戈登先後領常勝軍立功江浙世稱洋將時傳其戰略日意格初亦參防戰繼以船政著勞赫德久總稅務兼司郵政頗與聞交涉號曰客卿皆能不負所事茲數人者受官職易冠服或願隸國籍食其祿者忠其事實有足多故並著於篇

清史稿

列傳二百二十三

沈桂芬

李鴻藻

翁同龢

孫毓汶

沈桂芬字經笙順天宛平人本籍江蘇吳江道光二十七年進士選庶吉士授編修咸豐二年大考一等擢庶子累遷內閣學士先後典浙江廣東鄉試督陝甘學政充會試副總裁八年丁父憂服闋補原官督禮部左侍郎同治二年出署山西巡撫明年實授連上移屯練兵諸疏並稱旨桂芬以山西民食不敷自洋藥弛禁栽種罂粟糧價踴增於是刊發條約飭屬嚴禁疏陳見辦情形上題之頒行各省著爲令旋丁母憂六年起禮部右侍郎充經筵講官命爲軍機大臣戇戶部吏部都察院左都御史兼總理各國事務大臣遷兵部尙書加太子少保光緒元年以本官協辦大學士京畿旱編修何金壽授漢代天災策免三公爲言請責斥樞臣諭交部議桂芬坐革職特旨改爲革職留任旋復原官充翰林院掌院學士晉太子太保桂芬遇事持重自文祥逝後以諳究外情稱

日本之滅琉球也廷論多主戰桂芬獨言勞師海上易損國威力持不可及與俄人議還伊犁崇厚擅訂約朝議紛然桂芬委曲斡旋易使往議改約始定而言者猶激論不已桂芬久臥病六年卒年六十有四贈太子太傅諡文定桂芬躬行謹飭爲軍機大臣十餘年自奉若寒素所處極湫隘而未嘗以清節自矜人以爲難云

李鴻藻字蘭孫直隸高陽人咸豐二年進士選庶吉士授編修典山西鄉試督河南學政十年上擇儒臣爲皇子師大學士彭蘊章以鴻藻應召來京明年特詔授大阿哥讀穆宗登極皇太后懿旨命直弘德殿同治元年擢侍講累遷內閣學士署戶部左侍郎四年命直軍機五年授禮部右侍郎遭母憂皇太后懿旨援雍正乾隆年大臣孫嘉淦等故事命鴻藻開缺守孝百日後仍授讀兼參機務並諭移孝作忠勿以守禮固辭鴻藻懼終制不允倭仁等亦代爲陳請仍命恭親王傳諭慰勉鴻藻連疏稱疾遂得賜告卒終制始出七年授擾畿疆鴻藻方里居以各路統兵大員事權不一疏請特派親王爲大將軍坐鎮京師以

固北路左宗棠李鴻章爲參贊大臣分駐保定河間東西兩路各率所部兵勇相機勦辦陳國瑞爲幫辦軍務專統一軍爲游擊之師直隸總督官文專顧省城籌備諸軍餉需以資接濟丁寶楨駐紮東交界防賊東寧李鶴年駐紮直豫交界防賊南寧直晉交界由左宗棠等分撥勁旅扼要駐紮並請敕下各該大臣和衷商辦迅奏庸功奏入上遂命各路統兵大臣均歸恭親王節制旋起禮部左侍郎仍直弘德殿及軍機如故十年擢都察院左都御史加太子少保時有修葺圓明園之旨朝臣同起力爭鴻藻亦言粵捻初平回氛方熾宜培養元氣以固根本不應虛糜帑糈爲此不急之務乃止十三年上有疾命代批答章奏旋崩自効輔導無狀罷弘德殿行走光緒二年命兼總理各國事務衙門尋丁本生母憂服闋起故官以兵部尙書協辦大學士調吏部時崇厚與俄擅定伊犁約鴻藻堅持不可爭於廷卒治崇厚罪議改約及法越啟鑒言路愈奮發劾罷樞臣鴻藻謫遷內閣學士後復累遷禮部尙書十三年河決鄭州上命鴻藻馳往督辦先是河道總督李鶴年河南巡撫倪文蔚讓於西瑞興工鴻藻

至仍之又續興東壘工疊遇奇險皆力爲守固會伏秋汛至西壘失事請暫停  
工上以鴻藻督率無方革職留任並奪李鶴年河道總督命鴻藻暫行署理尋  
回京復以禮部具奏典禮漏轄徵改日期再議革職上特寬免大婚禮成復原  
官二十年日韓事棘命鴻藻商辦軍務再授軍機大臣與翁同龢皆主戰並爭  
和約卒不能阻旋以禮部尙書協辦大學士調吏部歷蒙頒賞書畫及諸上方  
珍物充鄉試會試殿試等閱卷大臣二十三年以病乞假疾篤賞給藥餌命御  
醫往視卒年七十有八遺疏入上震悼予諡文正贈太子太傅子焜瀛焜瀛均  
賞給郎中鴻藻性至孝爲學守程朱務實踐持躬儉約博穆宗十餘年盡心啟  
沃一日穆宗學書故爲戲筆鴻藻立前捧上手曰皇上心不靜請少息穆宗改  
容謝之其在樞府獨守正持大體御史王鵬運諫止修頤和園幾獲重譖鴻藻  
力解之得免德宗間日一往頤和園侍起居時留駐蹕言官有言其不便者太  
后大怒欲黜之鴻藻謂如此必失天下臣民之望乃止所薦引多端士朝列有  
清望者率倚以爲重然亦不免被刲持云

翁同龢字叔平江蘇常熟人大學士心存子咸豐六年一甲一名進士授修撰八年典試陝甘旋授陝西學政乞病回京同治元年擢贊善典山西試父憂歸服闋轉中允命在弘德殿行走五日一進講於簾前說治平寶鑑兩宮皇太后嘉之累遷內閣學士母憂服闋起故官同龢居講席每以憂勤惕厲啟沃聖心當八年武英殿之災也恭錄康熙嘉慶兩次遇災修省聖訓進御疏言變不虛生遇災而懼宜停不急之工惜無名之費開直臣忠諫之路杜小人倖進之門上覽奏動容又圓明園方興工商人李光昭賄報木價爲李鴻章所劾論罪廷臣多執此入諫恭親王等尤力諍上不憚同龢面陳江南輿論中外人心惶惑請聖意先定待時興修乃議定停園工並有停工程能浮費求直言之諭先緒元年署刑部右侍郎明年四月上典學毓慶宮命授讀再辭不允旋遷戶部充經筵講官首都察院左都御史遷刑部尙書調工部六年廷臣爭俄約久不決懿旨派惇親王醇親王及同龢與潘祖蔭每日在南書房看摺件電報擬片進呈取進止至俄約改定始止八年命充軍機大臣十年法越事起同龢主一面

進兵一面與議庶有所備又言劉永福不足恃非增重兵出關不可旋與軍機王大臣同罷仍直毓慶宮前後充會試總裁順天鄉試攷官兩蒙賜壽加太子太保賜雙眼花翎紫纏嘗請假修墓傳斤海上風險命馳驛回京恩眷甚篤二十年再授軍機大臣懿旨命撤講上請如故同蘇善伺上意得遇事進旨上親政久英爽非復常度剖決精當每事必問同蘇眷倚尤重時日韓起督同蘇與李鴻藻主戰孫毓汶徐用儀主和會海陸軍皆敗懿旨命赴天津傳諭李鴻章詰責之同蘇並言太后意決不即和歸薦唐仁廉忠赤可用請設巡防處籌辦團防於是命恭親王督辦軍務同蘇鴻藻等會商辦理上嘗問諸臣時事至此和戰皆無可恃言及宗社聲淚並發及和議起同蘇與鴻藻力爭改約稿並陳甯增賠款必不可割地上曰臺灣去則人心皆去朕何以爲天下主毓汶以前敵屢敗對上責以賞罰不嚴故至于此諸臣皆引咎上以和約事徘徊不能決天顏憔悴同蘇以俄英德三國謀阻割地請展期換約以待轉圜與毓汶等執爭終不可挽和約遂定明年兼總理各國事務大臣二十三年以戶部尙書協

辦大學士二十四年上初召用主事康有爲議行新政四月硃諭協辦大學士翁同龢近來辦事多不允協以致衆論不服屢經有人參奏且每於召對時諮詢事件任意可否喜怒見於詞色漸露攬權狂悖情狀斷難勝樞機之任本應查明究辦予以重懲姑念其在毓慶宮行走有年不忍遽加嚴譴翁同龢著即開缺回籍以示保全八月政變作太后復訓政十月又奉硃諭翁同龢授讀以來輔導無方往往巧藉事端刺探朕意至甲午年中東之役信口侈陳任意懲逋辦理諸務種種乖謬以致不可收拾今奉力陳變法濫保非人罪無可逭事後追維深堪痛恨前令其開缺回籍實不足以蔽辜翁同龢著革職永不叙用交地方官嚴加管束三十年卒於家年七十有五宣統元年詔復原官後追設文恭同龢久侍講諱參機務遇事專斷與左右時有爭執羣責怙權晚遭譏沮幾獲不測遂斥逐以終著有瓶廬詩稿八卷文稿二十卷其書法自成一家尤爲世所宗云

孫毓汶字萊山山東濟寧州人尙書瑞珍子咸豐六年以一甲二名進士授編

修八年丁父憂十年以在籍辦團抗捐被勅革職遣戍恭親王以毓汶世受國恩首抗捐餉深惡之同治元年以輸餉復原官五年大考一等一名擢侍講學士先後典四川鄉試督福建學政光緒元年丁母憂服闋起故官尋遷詹事視學安徽擢內閣學士授工部左侍郎十年命赴江南等省按事時法越事起毓汶以習於醇親王漸與聞機要適奉硃諭盡罷軍機王大臣毓汶還遂命入直軍機兼總理各國事務大臣時當國益厭言路紛擣出張佩綸等會辦南北洋閩海軍務餘亦因事先後去之風氣爲之一變十五年擢刑部尙書尋調兵部加太子少保厯典試順天鄉試賞黃馬褂雙限花翎紫纜二十年中日媾和李鴻章遣人齎約至廷臣章奏凡百上皆斥和非計翁同龢李鴻藻主緩俄法德三國亦請毋遽換約毓汶素與鴻章相結納力言戰不可恃亟請署上爲流涕書之和約遂成明年稱疾乞休二十五年卒予謚文恪毓汶權奇饒智略直軍機逾十年初醇親王以尊親參機密不常入直疏請日送邸閣謂之過府諭旨陳奏皆就毓汶爲傳達同列或不得預聞故其權特重云

論曰光緒初元復逢訓政勵精圖治宰輔多賢頗有振興之象首輔文祥既逝  
沈桂芬等承其遺風以忠懇結主知遇事能持之以正雖無老成尙有典型及  
甲申法越甲午日韓外患內憂國家多故慈聖倦勤經營園囿稍事游幸而政  
紀亦漸弛矣鴻藻久參樞密眷遇獨隆桂芬以持重見賞同龢以專斷致嫌毓  
汝奔走其間勤勞亦著大體彌縫賴以無事然以政見異同門戶之爭牽及朝  
局至數十年而未已賢者之責亦不能免焉

清史稿

列傳二百二十四

榮祿

王文詔

張之洞

瞿鴻禨

榮祿字仲華瓜爾佳氏滿洲正白旗人祖喀什噶爾幫辦大臣塔斯塔父總兵長壽均見忠義傳榮祿以廢生賞主事隸工部晉員外郎出爲直隸候補道同治初設神機營賞五品京堂充翼長兼專操大臣再遷左翼總兵用大學士文祥薦改工部侍郎調戶部兼總管內務府大臣穆宗崩德宗嗣統榮祿言於恭親王乃請頒詔俟嗣皇帝有子承繼穆宗其後始定以紹統者爲嗣光緒元年兼步軍統領遷左都御史擢工部尙書慈禧皇太后嘗欲自選宮監榮祿奏非祖制忤旨會學士寶廷奏言滿大臣兼差多乃解尙書及內務府差又以被劾納歸降二級旋開復出爲西安將軍二十年祝嘏留京再授步軍統領日本構景恭親王慶親王督辦軍務榮祿參其事和議成疏薦溫處道袁世凱練新軍是日新建陸軍授兵部尙書協辦大學士疏請益練新軍而調甘肅提督董福

祥軍入衛京師二十四年晉大學士命爲直隸總督是時上擢用主事咸有爲及知府譚嗣同等參預新政議變法斥舊臣召直隸按察使袁世凱入覲超授侍郎統練兵榮祿不自安御史楊崇伊奏請太后再垂簾於是太后復臨朝訓政召榮祿爲軍機大臣以世凱代之命查拿康有爲斬譚嗣同等六人於市以上有疾詔徵醫復命榮祿管兵部仍節制北洋海陸各軍榮祿乃奏設武衛軍以聶士成駐蘆臺爲前軍董福祥駐薊州爲後軍宋慶駐山海關爲左軍世凱駐小站爲右軍而自募萬人爲中軍駐南苑時太后議廢帝立端王載漪子溥儕爲穆宗嗣患外人爲梗用榮祿言改稱大阿哥二十六年拳匪亂作載漪等稱其術太后信之欲倚以排外人福祥率甘軍攻使館月餘不下榮祿不能阻載漪等益橫京師大亂駢戮忠諫大臣榮祿踴躍入言太后厲色斥之聯軍入京兩宮西幸駐蹕太原榮祿請赴行在不許命爲留京辦事大臣已而詔詣西殿大學士二十九年卒贈太傅諡文忠晉一等男爵榮祿久直內廷得太后信

仗眷顧之隆一時無比事無鉅細常待一言決焉

王文詔字夢石浙江仁和人咸豐二年進士銓戶部主事累遷郎中出爲湖北安襄郎荆道左宗棠李鴻章皆薦其才擢按察使遷湖南布政使同治十年署巡撫黔苗亂熾桂東淪寇域文詔條上援黔防境機宜以兵事屬按察使席寶田督其部將蘇元春龔繼甯等進勳斬首逆張秀眉烏鵲坡黔境平文詔繪苗疆要塞圖上之朝十一年除貴州道秀民倡亂永陽朱鴻英復妄稱明裔構衆先後檄道員陳寶箴討平之光緒元年遣總兵謝晉鈞平新化衡永土寇撫湘六年內治稱靜謐焉入權兵部侍郎直軍機會歲旱各省顛災中旨罪已文詔亦自陳無狀詔革職留任旋除禮部侍郎兼總理衙門行走八年御史洪良品鄧承修劾雲南軍需案文詔坐失察奪二級乞養歸終母喪還前除十五年授雲貴總督武定會匪陷富民祿勸人心恂懼文詔斬獲叛將三日而定無何鎮邊夷亂起檄巡南道劉春霖分道進攻拓地三百里徙建廳城於猛朗募勇屯堅改臨安猛丁歸流移府經歷駐其地其餘寇亂及土族叛服不常皆隨時殄

滅初英法并轎越後西南緣邊防務益棘文詔綏靖各路土司令自爲守會日  
韓啟量詔入都詢方略既至奉幫辦北洋之命鴻章赴日議和文詔權直隸總  
督北洋大臣和議成實授時關內外主客軍四百餘營酌留湘淮豫三十營餘  
悉散遣士卒帖然建議籌修旅大鐵臺謂旅順舊臺密於防前疏於防後敵自  
大連灣入遂失所芘大連舊臺專顧防海未及防陸敵自金州登岸遂不能支  
今重整海防必彌其罅隙又請加意水師武備各學堂以儲將才嫋武幹俟財  
力稍足徐圖擴充又陳河運漕糧積弊請蘇漕統歸海運他若勘吉林三姓金  
礦磁州煤礦踵鴻章後次第成之而京漢鐵路亦興築於是時矣又奉設北洋  
大學堂鐵路學堂育才館俄文館造就甚衆二十四年入贊軍機以戶部尙書  
協辦大學士二十六年奉匪仇教文詔力言外衅不可啟不見納宮車旣出三  
日始追及懷來自聯軍犯京事急兩宮召軍機惟文詔一人入見諭必侍行至  
是立召對泣慰之遂隨扈自晉入秦督體仁閣大學士明年改外務部會辦大  
臣旋賞黃馬褂署全權大臣命先還京佐辦中俄條約交還東三省及關外鐵

路事甯賞雙眼花翎充政務處大臣督辦路礦總局轉文淵閣晉武英殿三十一年免直軍機明年稱疾乞休文詔歷官中外詳練吏職究識大體然更事久明於趨避亦往往被口語三十四年鄉舉重逢賜太子太保其冬卒年七十九

晉贈太保諡文勤

張之洞字香濤直隸南皮人少有大略務博覽爲詞章記誦絕人年十六舉鄉試第一同治二年成進士廷對策不循常式用一甲三名授編修六年充浙江鄉試副考官旋督湖北學政十二年典試四川就授學政所取士多雋才游其門者皆私自喜得爲學塗徑光緒初擢司業再遷洗馬之洞以文儒致清要遇事敢爲大言俄人議歸伊犁與使俄大臣崇厚訂新約十八條之洞論奏其失請斬崇厚毀俄約疏上乃褫崇厚職治罪以侍郎曾紀澤爲使俄大臣議改約六年授侍講再遷庶子復論紀澤定約執成見但論界務不爭商務並附陳設防練兵之策疏凡七八上往者詞臣率雍容養望自之洞喜言事同時寶廷陳寶琛張佩綸輩鋒起糾彈時政號爲清流七年由侍講學士擢閣學俄授山西

巡撫富大禮後首劾布政使葆亨冀甯道王定安等贓貨舉廉明吏五人條上  
治晉要務未及行移督兩廣八年法越事起建議當速遣師赴援示以戰意乃  
可居閒調解因薦唐炯徐延旭張曜材任將帥十年春入覲四月兩廣總督張  
樹聲解任專治軍遂以之洞代當是時雲貴總督岑毓英廣西巡撫潘鼎新皆  
出督師尙書彭玉麟治兵廣東越將劉永福者故中國人素驍勇與法抗法攻  
越未能下復分兵攻臺灣其後遂據基隆朝議和戰久不決之洞至言戰事氣  
自倍以玉麟夙著威望虛己聽從之奏請主事唐景崧募健卒出關與永福相  
犄角朝旨因就加永福提督景崧五品卿銜炯延旭亦皆已至巡撫當前敵被  
劾得罪去並坐舉者之洞獨以籌餉械勞免譏廣西軍既敗於越朝旨免鼎新  
以提督蘇元春統其軍而之洞復奏遣提督馮子材總兵王孝祺等皆宿將於  
是滇越兩軍合扼鎮南關殊死戰遂克諒山會法提督孤拔攻閩浙礮毀其坐  
船孤拔殪而我軍不知法願停戰廷議許焉授李鴻章全權大臣定約以北圻

礮廠開礦務局疏請大治水師歲提專欵購兵艦復立廣雅書院武備文事並  
舉十二年兼署巡撫於兩粵邊防控制之宜頗多更置著沿海險要圖說上之  
在粵六年調補兩湖會海軍衙門奏請修京通鐵路諫諍爭陳鐵路之害請停  
辦翁同龢等請試修邊地便用兵徐會澧請改修德州濟甯路利漕運之洞識  
曰修路之利以通土貨厚民生爲最大徵兵轉餉次之今宜自京外蘆溝橋起  
經河南以達湖北漢口領此幹路樞紐中國大利所萃也河北路成則三晉之  
轍接於井陘關隴之驛交於洛口自河以南則東引淮吳南通湘獨萬里聲息  
一刻期可通其便利有數端內處腹地無虛引敵利一原野廣漠墳塋易避利二  
廠盛站多役夫賈客可舍舊圖新利三以一路控八九省之衝人貨輻輳足裕  
餉源利四近畿有事淮楚精兵崇朝可集利五太原旺煤鐵運行便則開採必  
多利六海上用兵漕運無梗利七有此七利分段分年成之北路責之直隸總  
督南路責之湖廣總督副以河南巡撫得旨報可遂有移楚之命大治產鐵江  
西萍鄉產煤之洞乃奏開鍊銅廠漢陽大別山下資路川兼設槍礮鋼藥專廠

又以荆襄宜桑棉麻枲而饒皮革設織布紡紗織絲製麻革諸局佐之堤工通  
之以幣政由是湖北財賦稱饒土木工作亦日興矣二十一年中東事棘代劉  
坤一督兩江至則巡閱江防購新出後膛礮改築西式礮臺設專將專兵領之  
募德人教練名曰江南自強軍采東西規制廣立武備農工商鐵路方言軍醫  
諸學堂尋還任湖北時國威新挫朝士日譏變法廢時文改試策論之洞言廢  
時文非廢五經四書也故文體必正命題之意必嚴否則國家重教之旨不顯  
必致不讀經文背道忘本非細故也今宜首場試史論及本朝政法二場試時  
務三場以經義終焉各隨場去留而層遞取之麻少流弊又言武科宜罷騎射  
刀石專試火器欲挽重文輕武之習必使兵皆識字勵行伍以科舉二十四年  
政變作之洞先著勸學篇以見意得免議二十六年京師拳亂時坤一督兩江  
鴻章督兩廣袁世凱撫山東要請之洞同與外國領事定保護東南之約及聯  
軍內犯兩宮西幸而東南幸無事明年和議成兩宮回鑾諭功加太子太保以  
兵事粗定乃與坤一合上變法三疏其論中國積弱不振之故宜變通者十二

事宜采西法者十一事於是停捐納去書吏考差役恤刑獄籌八旗生計裁屯  
衛汰綠營定礦律商律路律交涉律行銀圓取印花稅擴郵政其尤要者則設  
學堂停科舉獎游學皆次第行焉二十八年充督辦商務大臣再署兩江總督  
有道員私獻商人金二十萬爲壽請開礦海州立勸罷之考鹽法利弊設兵輪  
緝私歲有贏課明年入覲充經濟特科閱卷大臣釐定大學堂章程畢仍命還  
任陞辭奏對請化除滿漢畛域以彰聖德遏亂萌上爲動容旋裁巡撫以之洞  
兼之三十二年曾協辦大學士未幾內召擢體仁閣大學士授軍機大臣兼筦  
學部三十四年督辦粵漢鐵路德宗暨慈禧皇太后相繼崩醇親王載灃監國  
攝政之洞以顧命重臣曾太子太保逾年親貴寢用事通私謁議立海軍之洞  
言海軍費绌可緩立爭之不得移疾遂卒年七十三朝野震悼贈太保諡文襄  
之洞短身巨髯風儀峻整莅官所至必有興作務宏大不問費多寡愛才好客  
名流文士爭趨之任疆寄數十年及卒家不增一畝云

瞿鴻禑字子玖湖南善化人同治十年進士授編修光緒元年大考一等擢侍

講學士久乃遷詹事曾內閣學士先後典福建廣西鄉試督河南浙江四川學政所行皆本功令律下尤嚴朝鮮戰事起我師出平壤鴻禥上四路進兵之策請兼募沿海漁人蟹戶編爲舟師使敵備多力分庶可制勝及和議成鴻禥方自獨還復奏言秦中地形險要請豫建陪都日本增兵遼東鴻禥以敵情叵測請敕劉坤一王文韶簡練勁旅不可專任淮軍適坤一奏劾山西將賀星明侵餉革職鴻禥言刑賞治天下之大柄軍紀廢弛已久宜嚴懲以儆其餘又葉志超襲照嶼等敗軍辱國罪當死和約既定勢不能與勾宣籍其財產或令巨款捐贖然後貸其一死皆不報旋遷禮部侍郎出督江蘇學政請罷武科兩宮西狩鴻禥差竣詣行在道授左都御使曾工部尙書仍以西安陪都爲言既至命直軍機兼充政務處大臣請以策論試士開經濟特科汰書吏悉允行改總理各國事務衙門爲外務部班六部上以鴻禥爲尙書時方與各國議和鴻禥治事明敏諳究外交承旨擬諭語中臧否頗當上意焉扈蹕固鑾賞黃馬褂加太子太保自新政議起興學通商勸工諸政有司多借端巧取鴻禥請降旨禁革

苟派任民間自辦又請旨以戶部正雜諸款供地方正用宮中歲費遵先朝定例量入爲出不便自戶部增撥裁汰內務府冗員用節糜費充中日議約全權大臣是時中外咸以立憲爲請朝廷下詔豫備憲政始基勗天下以忠君尊孔尚公尚武尚實用鴻禕言也三十二年協辦大學士特旨派議改官制大臣鴻禕以樞廷事冗辭旋命與大學士孫家鼐復核頗有裁正焉鴻禕持躬清刻以儒臣驟登政地銳於任事素善岑春煊春煊入朝留長郵傳部密疏劾慶親王奕劻奕効惡春煊遂及鴻禕會鴻禕因直言忤太后旨侍講學士憲毓鼎劾以擅權恣縱遂罷斥歸里辛亥湘變起流寓上海旋卒後追謚文慎

論曰德宗親政憤於外侮思變法自強乃以輔導無人戊戌黨禍庚子匪亂遂相繼而作太后再出垂簾初望復舊繼免圖新宣統改元議行憲政政體既變國本遂搖而大勢不可問矣榮祿屢參大變文韶久達世務鴻禕後起參議立憲終以失寵太后不免放斥唯之洞一時稱賢而監國攝政親貴用事欲挽救而未能遂以憂死人之云亡邦國殄瘁尙何言哉

閻敬銘

張之萬

鹿傳霖

林紹年

閻敬銘字丹初陝西朝邑人道光二十五年進士選庶吉士散館改戶部主事咸豐九年湖北巡撫胡林翼奏調赴鄂總司糧臺管務累遷郎中擢四品京堂林翼請病復疏薦敬銘才授湖北按察使同治元年嚴樹森繼爲巡撫亦推敬銘湖北賢能第一署布政使以丁本生父憂歸命治喪畢赴軍未行詔署山東鹽運使擢署巡撫疏乞終制不許時山東教匪入沂泰捻幅各匪犯鄒曲阜降衆竄陽穀聊城敬銘既受任檄總兵保德等進勦而自督軍規淄川克之已革參將宋景詩引降衆屯東昌復叛飭按察使丁寶楨討之景詩竄莘莘敬銘檄軍防運河令之曰使一匪潛渡者殺無赦而自移軍博平已而保德寶楨連敗賊唐邑馬橋克王家海別軍克甘官屯賊遁開州事平再請終制仍不許三年服除實授奏言抽調綠營兵練騎隊朝旨允行令即遣散募勇敬銘言東省變故

頻仍亂甫定降衆未必革心綠營廢弛已久驍勇易啓戎心臣不敢爲節嗇帑項浮詞遺後患又言兵之能強端恃將領將領之材亦資汲引如胡林翼曾國藩左宗棠倡率鄉里楚將之名遂著前者僧格林沁奏稱不宜專用南勇啓輕視朝廷之浙老成謀國瞻言百里自古名將北人爲多臣北人也恥不知兵以在軍久見諸軍之成敗利鈍必求其所以然之故深知不求將而言兵有兵與無兵等今北方雖所在募勇皆烏合耳爲將者貪婪欺飾不知尊君親上爲何事使握兵符民變兵譁後患滋大故欲強兵必先儲將北人之智勇兼備者推多隆阿請飭多隆阿募北方將士敎之戰陣擇其忠勇者補授提鎮參游俾綠營均成勁旅何必更募勇丁時捻患熾臺臣議行團練敬銘言歛鄉里之財以爲餉集耕種之民以爲兵於事有害無益不如力行堅壁清野之法事遂寢四年僧格林沁戰歿曹州賊勢張益趨張秋南將犯省城敬銘督師東昌還軍禦之增設礮台防河賊折而東移軍兗州賊竄豐沛乃檄總兵楊飛熊間道趨滕防賊還竄賊果入湖濱以飛熊扼運河不得逞竄徐州明年賊入鉅野游擊

王心安失利敬銘方臥疾強起視師東平兗沂曹濟道文彬督團勇擊賊賊引去敬銘赴濟寧會督團藩商定分扼黃連之議賊復大股越鉅野金鄉分擾連西遣知府王成謙等要擊而自督軍巡河露宿四晝夜賊連敗始西遁有張積中者結寨肥城黃崖集衆自保以不受撫夷之六年移疾歸居久之以工部侍郎召不起光緒三年山西大飢奉命察視賑務奏劾侵帑知州段鼎耀寘之法請裁減山陝諸省差徭並追彈尙書恩承童華前奉使四川過境擾累狀均下吏議八年起戶部尙書甫視事以廣東布政使姚覲元荆宜施道董鶴漢咭結前任司員訛法咸劾罷之兼署兵部疏陳興辦新疆屯田明年充軍機大臣總理衙門行走曾協辦大學士十一年授東閣大學士仍筦戶部賜黃馬褂自陳衰老辭軍機大臣時上意將修圓明園而敬銘論治以節用爲本會廷議錢法失太后旨因革職留任十三年復職遂乞休章四上乃得請十八年卒贈太子少保諡文介敬銘質樸以潔廉自矯厲雖貴望之若老儒善理財在鄂治軍需足食足兵佐平大難及長戶部精校財賦立科條令出期必行初直樞廷太后

賴信仗之終以懲直早退云

張之萬字子青直隸南皮人道光二十七年以一甲一名進士授修撰咸豐二年出督河南學政粵賊破歸德近逼開封之萬條上防勦事宜多允行俄召還授鍾郡王讀由侍讀累遷內閣學士同治元年擢禮部侍郎兼署工部嘗被詔偕太常寺卿許彭壽等彙輯前代帝王及乖簷事蹟可法戒者上之錫名治平寶鑑會河南州縣以苛派擅殺爲御史劉毓楠奏劾命之萬往按得實巡撫鄭元善以下降黜有差即以之萬署巡撫事疏陳軍興財匱請仿湖北變通漕折言汴漕一石舊折銀四兩今請令州縣留辦公費七錢實解司庫三兩三錢以二兩購米實倉餘一兩充汴餉其三錢爲通省公費允行捻酋陳大喜犯南陽之萬親赴汝州督師大喜竄阜陽勾結皖捻一由岳城趨楊莊逼雷堰一入張岡總兵張曜馳擊破之團練大臣毛昶熙諸軍相繼至連戰皆捷斬逆酋張鳳舞汝南肅清之萬駐軍許州既分遣諸將設防自引軍還省而毫捻乘虛襲許陷兩寨坐降二級留任西捻張總愚竄鄧州藍大順走西坪謀與合張曜旣敗

總愚重陽店乘勝襲西坪大順亦敗走之萬復進汝州三年移屯南陽賊犯開  
封還軍擊走之四年遷河道總督僧格林沁戰歿曹州督兵大臣皆獲咎之萬  
亦革職留任以助防省城功給二品頂戴五年移督漕運撫入徐州之萬以襄  
下河爲財賦所出嚴防清淮及六塘河諸要地六年淮軍獲賴文光於揚州東  
捻平捷聞賜之萬花翎頭品頂戴七年會勦西捻總愚溺死東南大定之萬疏  
陳江北善後事宜九年調江蘇巡撫遷浙閩總督以母老乞養歸光緒八年起  
兵部尙書調刑部十年入軍機兼署吏部充上書房總師傅協辦大學士十五  
年授體仁閣大學士轉東閣賜雙眼翎紫纓二十年免直軍機之萬入直凡十  
年領樞密者爲禮親王世鐸治尙安靜故得無事及日韓事棘之萬乃先罷退  
又二年以病致仕卒年八十七贈太傅諡文達

鹿傳霖字滋軒直隸定興人父不宗官都勦知府死寇難諱壯節傳霖其第五  
子也當不宗守都勦時叛苗虜築城下傳霖方率健卒迎餉聞警馳還助城守  
相持十閱月援絕城陷傳霖投總督告父死狀大兵攻復都勦奉父母遺骸歸

葬時年甫二十由是知名以舉人從欽差大臣勝保征撫授同治元年成進士選庶吉士散館改廣西知縣以督勦柳雒土匪功賜孔雀翎擢桂林知府光緒四年調廉州時李揚才將叛擾越南急捕之立散其黨旋升惠潮嘉道擢福建按察使調四川遷布政使九年授河南巡撫清釐州縣納糧積弊歲增三十餘萬十一年調陝西引疾歸十五年再出撫陝值黃河西墮將與洛通傳霖增築石壩三十餘座得無患中日構衅遣兵入衛命兼攝西安將軍二十一年擢四川總督蜀故多盜特立一軍捕治之變萬大飢發上游積穀又採湖北糧米平糶是時英俄交竊西藏藏番恃俄援梗英畫廓爾喀與藏拂兵而瞻對土民苦藏官苛虐思內附傳霖以瞻對爲蜀門戶瞻不化服無以威藏番藏番不聽命則界無時定而英之忌俄者益急圖藏藏亡瞻必隨亡行且及於蜀會朱窩章谷土司爭襲事起傳霖檄知府羅以禮知縣穆秉文往諭以提督周萬順統防邊各軍進駐打箭爐瞻曾仔仲則忠札嗣以兵侵章谷抗我軍傳霖乘機進發迭克諸要害各土司置服卒兵聽調渡雅龍江抵瞻巢斬馘過當

盡收三贍地乃請歸流改漢條陳善後之策疏十數上會成都將軍恭壽駐藏辦事大臣文海交章言其不便達賴復疏訴於朝廷讓中變傳霖解職去二十四年召授廣東巡撫旋移江蘇攝兩江總督二十六年寧匪亂作傳霖募三營入衛奔及乘輿於大同至太原授兩廣總督旋命入直軍機從幸長安擢左都御史遷禮部尚書兼署工部明年回蹕兼督辦政務大臣凡疏陳加賦括財損民以益上者傳霖率擯勿用而務汰冗費去中飽並奏罷不急之工均報可有詔自後宮內供需皆取給內務府戶部專掌軍國大計實傳霖發之也三十年轉吏部三十二年新官制成功退直專治部事尋仍入直解部務以尚書協辦大學士命查辦歸化城懇務大臣始穀論遣戍參劾不職者數十人宣統嗣立與攝政醇親王同受遺詔加太子少保曾太子太保歷拜體仁閣東閣大學士兼經筵講官二年春疾作章四上皆溫諭慰留七月卒年七十五贈太保諡文端傳霖起外吏知民疾苦所至廉約率下尤惡貪吏雖貴勞不稍懈其在軍機凡事不苟同喜扶持善類晚病重聽屢乞休不獲居恒鬱鬱云

林紹年字贊虞福建閩縣人同治十三年進士以編修歷充鄉會試同考官光緒十四年改御史時議修頤和園先是題吏籌設海軍經費輸存北洋及園工興陰移其費以助工號爲進獻紹年極陳生人疲敝當以儉化天下使督撫愛養百姓若誅求進獻未足以首忠請即下詔停輸還所進奉得旨嚴飭會以憂去服除補山西監察御史疏嚴門禁杜宦寺交通之漸十九年陝西考官丁維禔責內監得試差復疏論之俄授雲南昭通府知府邊瘠雖治士目祿爾泰橫暴睚眦殺人莫敢訴猝捕戮之衆掘而定期年劾罷文武吏不職者五人調攝雲南府甫受事安寧州盜劫貨戕人於望州牧以總督崧審怒緝捕不力妄繫平民二十餘紹年覆按疑其枉謁總督廷爭卒獲正犯出二十餘人者於死崧薦愧謝密疏薦紹年可大用擢迤南道未之任擢貴州按察使二十六年遷雲南布政使就擢巡撫兼署雲貴總督廣西游匪侵滇邊遣將擊卻之招撫八達河村民之陷匪者以斷賊接濟益大山兵合勦演境既清乃以全力赴援廣西而蒙自土匪乘閒復發連陷臨安石屏紹年會商總督丁振鐸檄按察使劉春

霖扼通海廣南軍歸其後不兩月事平疏言督撫同城任事非便自請裁缺從之移撫貴州而湖北廣東兩巡撫旋亦讓裁印江團首呂志禮楊繼不相能積十餘載相殘殺紹年至以兵脅之降仍擁衆不散遂案誅之紹年默察大勢非立憲不足以救亡請預定政體以繫人心不報三十一年移廣西明年內召以侍郎充軍機大臣兼署郵傳部尙書授度支部侍郎時黑龍江新設行省驟擢道員段芝貴爲巡撫紹年言芝貴望輕不稱邊帥任御史趙啓霖劾芝貴因及慶親王奕劻子載振納賄漁色事命大臣按驗所劾稱無證左褫駁霖職而芝貴亦由是罷紹年言御史風聞言事啟霖無罪爭之不得遂稱疾出爲河南巡撫以州縣吏幣資遠宦人地不習無益於杜弊請援漢唐故事免避本籍部議自縣丞以下如所請行益飭吏治得朝貴請託書輒焚之兩疏糾彈百餘人調倉場侍郎宣統元年徙民政部侍郎時奕効握政柄陝西巡撫恩壽與有連總督升允劾其贓私不報俄解升允職紹年召對論其事以爲賞罰不當則是非不明退復具疏言之不省二年充經筵講官署學部侍郎改國庫院顧問大臣

以病請告卒年六十八諡文直

論曰同光以後世稱軍機權重然特領班王大臣主其事耳次者僅乃得參機務光宣之際政既失取權乃益紛雖當國無以爲治焉敬銘質樸之萬練達傳霖廉約紹年勁直其任封疆治軍旅多有績而立朝不復有所建樹敬銘初欲得君專國政爲勢所限終不能行其志世尤惜之

清史稿

列傳二百二十六

景廉

額勒和布

許庚身

錢應溥

廖壽恒

榮慶

那桐

戴鴻慈

景廉字秋坪顏札氏隸滿洲正黃旗父彥德官綏遠城將軍景廉咸豐二年進士由編修五遷至內閣學士典福建鄉試擢工部侍郎賜奩朝鮮八年授伊犁參贊大臣故事哈薩克貿易訖即行後以貨滯暨許二三人守以度歲漸成聚落周二里許景廉謂禍伏肘腋毀之便將軍憚不敢發會將軍卒景廉攝任疏陳利害請以便宜從事卒毀之詔下如所謂塔爾巴哈臺參贊大臣英秀阿克蘇辦事大臣綿性葉爾羌參贊大臣英蘊先後以貪舉被劾皆命景廉往鞠得實降革有差十一年調葉爾羌參贊大臣其城爲南路八城之首漢回雜處安集延常擾邊俄人復於西南徵往來窺伺哈薩克各部落多貳於俄景廉籌餉

練兵持以鎮靜八城以安嚴禁綠營兵以重利侵奪回民資產人心大悅同治  
二年坐事落職男婦數千哭於札爾瑪札爾瑪者回部棲神之所意欲禱神阻  
其行也景廉既去官道往客夏軍營効力將軍都興阿檄參戎幕適安徽巡撫  
翁同書卒於軍復檄景廉代領其衆防勦後路五年授頭等侍衛充哈密幫辦  
大臣募勇千餘騎不滿百糧乏冰雪中僵仆相屬景廉勉以忠義夜支單帳然  
馬矢席地坐時出撫循以是兵心固結肅州賊沿山西竄景廉遣總兵張玉  
春收之黃花營賊擾安西州又大敗之景廉以安西玉門爲新疆門戶巴里坤  
雖天險可守然力單不足特疏請駐安西布置防務輓運得旨報可賊撲敦煌  
景廉陽令副將蔣富山邀擊南乾溝而伏勁旅橋灣三水梁賊果取道三水梁  
南戈壁伏起追擊敗之捷聞得旨嘉獎賊復撲安西景廉戒守將堅壁毋浪戰  
伺其懈擊之而設伏要其歸路賊大創遁景廉謂敦煌重鎮當守以重兵因移  
鎮敦煌留兵安西玉門相犄角建堅壁清野之計完城浚濠擇要區築空心墩  
臺守具畢備復以商團民練輔翼官兵隱寓保甲之法賊擄掠之計遂沮招徠

土著三千六百餘戶勸募雜糧二萬餘石立轉運局馬蓮井官民咸稱便焉時  
烏魯木齊回酋安得璘勾結漢回獮頭萬八千餘東犯潛約哈密回子都王爲  
內應王素嗾其母福晉遇哩巴紐賢明有才略以逆書呈官軍誓衆力守景廉  
遣使獎慰復令富山率兵會辦事大臣文麟裨將孔才擊賊連戰六晝夜大敗  
之論功升擢有差旋授烏魯木齊都統時古牧地僞元帥馬明屢詐言降復假  
貿易分布逆黨於濟木薩木壘河景廉偵知密檄孔才金永清等一夕殲之俄  
人挾蒙古哈薩克入境求通商景廉言地方未靖不任保護以兵衛之出自是  
終景廉任俄人不言通商事穆宗親政景廉以爲政治在乎始基上崇正學開  
言路慎牧令簡軍實重農桑弭異端六事移軍古城疏請以副都統吉爾洪額  
領隊大臣沙克都林札布任軍事陝回白彥虎糾西客回萬餘將奔烏魯木齊  
賊勢衆憚破哈密回城游騎越天山擾巴里坤兩城告急會安得璘死安集延  
曾帕夏合烏魯木齊古牧地等漢回撲沙山子遙應白彥虎景廉急檄孔才嚴  
備齊木薩各要隘黑龍江營總依勒和布援沙山子吉爾洪額等援哈密而景

廉坐鎮古城飲酒習射若無事然依勒和布與遊擊徐學功率騎五百敗賊沙  
爾圓禽斬無算帕夏遁歸吐魯番遂解沙山子之圍吉爾洪額等抵巴里坤連  
戰皆捷遂度天山敗賊哈密泥基頭城中聞援軍至大呼突出賊敗巴里坤肅  
清是役也論者謂新疆治亂一大關鍵也白彥虎竄唐朝渠將入瑪納斯學功  
偵得賊口號選精騎四百僞爲瑪納斯人迎之襲家瀧握手慰勞賊不之疑益  
前進前臨大河官軍從後起賊大驚白彥虎引四十餘騎逸去餘盡殲焉學功  
者烏魯木齊農家子沈勇多智略軍興集鄉勇自衛或離合於妥得璘帕夏之  
間爲以賊攻賊之計景廉招之來推誠待之遂願効死至是果得其力奏請破  
格錄用報可景廉以憂勤致疾再乞解職溫旨慰留十三年授欽差大臣督辦  
新疆軍務於是景廉奏請通籌全局命伊犁將軍金順取道古牧地提督張曜  
由天山南取吐魯番領隊大臣沙克都林札布錫綸由沙山子取瑪納斯三路  
齊舉使賊不相顧奇台古城爲哈密巴里坤屏蔽命副都統額爾慶額孝順福  
珠哩駐西湖防賊逸入北路烏魯木齊之南俗呼搭板城者實通吐魯番要路

賊以重兵守之宜潛師攻擾以掩其吭并請飭陝甘總督左宗棠總司後路糧臺移甘肅民千戶寶奇台古城屯田購蒙古駝數千隻借撥部款六十萬兩疏上悉蒙嘉納而忌者尼之未竟所施改正白旗漢軍都統俄召回京遷左都御史光緒二年命入軍機兼總理各國大臣授工部尚書調戶部坐事降二級仍留軍機輔內閣學士再遷兵部尚書時言路尙激烈或不平景廉曰政府如射之有的言者期其中耳於我輩何憾且詆政府者率無罪未必非大臣之福也人服其量新疆勘定將軍金順上言景廉前勞請獎勵景廉謂邊帥推功樞臣恐開迎合之漸請勿許時論與之十年殊諭景廉循分供職經濟非所長降二級調用明年補內閣學士八月卒於官年六十二子治麟國子監司業見孝友傳

額勒和布字篠山覺爾察氏滿洲鎮藍旗人咸豐二年編譯進士改庶吉士用戶部主事累遷理藩院侍郎同治三年熱河土默特貝勒旗老頭滋事額勒和布奉命查辦得實請將貝勒議處其佐領章京等降革有差事遂定由蒙古副

都統調補滿洲旋授盛京戶部侍郎兼奉天府尹直隸總督劉長佑率師防剿熱河及奉天馬賊額勒和布籌給軍食賊曾周榮糾黨回竄擾及昌圖所在告警額勒和布遣將率馬隊迎擊開原而以步隊扼其後賊遂潰散六年請酌抽鹽釐充練兵經費增設海防同知駐營口均議行於賑務尤盡力捐募署盛京將軍調查哈爾都統新疆用兵額勒和布經紀糧運並調八旗官兵助剿擢烏里雅蘇臺將軍屢卻悍賊光緒三年因病乞休六年起鑲白旗漢軍都統調蒙古歷熱河都統理藩院尙書戶部尙書內務府大臣十年命直軍機協辦大學士奏請允開濱越邊界礦務又奏光緒四年以前直省錢漕積欠者請予蠲免司業潘衍桐建言特開藝術科以額勒和布持不可寢其議十一年授體仁閣大學士轉武英殿歷充閱卷大臣等差二十年免直軍機二十二年致仕逾四年卒於家諡文恭額勒和布木訥寡言時同列漸攬權納贿獨廉潔自守時頗稱之

許庚身字星叔浙江仁和人咸豐初由舉人考取內閣中書嘗代同官夜直一

夕票二百簽署名牘背文宗閱本心識之以詢侍郎許乃普乃普爲其諸父行也遂命充軍機章京故事大臣子弟不得入直是命蓋異數云十年車駕彌木闡召赴行在是時肅順方怙權勢數侵軍機事高坐直廬有所撰擬輒趣章京往屬草庚身以非制不許使者十數至卒弗應肅順懶且懲欲中以危法未得問穆宗續業特賜金以旌其風節命隨大臣入直同治元年成進士自請就本官補侍讀累遷鴻臚寺少卿母憂歸服竟遷內閣侍讀學士入直如故進春秋屬辭被嘉獎補光祿寺卿典試貴州督江西學政頗以天算與地諸學試士光緒四年授太常寺卿擢禮部侍郎調戶部刑部十年法越事起充軍機大臣兼總理各國事務晉頭品服時樞府係毓汝最被盼遇庚身以應對敏練太后亦信仗之十四年晉兵部尙書十九年卒謚恭慎庚身自郎曹至尙侍直樞垣垂三十年與兵事相終始爲最久云

錢應溥字子密浙江嘉興人拔貢生朝考一等用七品小京官分吏部直軍機咸豐十年粵寇連陷浙東西郡縣應溥父海寧州學訓導泰吉質行樸學老儒

也時已罷官州人留主講書院應溥聞警亟請歸奉親轉徙經年鬚髮爲白曾國藩治兵安慶招入幕工爲文檄敏捷如夙構國藩屢欲特薦皆力辭同治三年奏加五品卿銜大軍征捻駐周家口捻宵至守卒僅千人衆駭懼應溥鎮靜若無事然於是國藩堅臥不起捻卒不敢犯晉四品卿銜國藩深倚重之其督兩江有大興革上奏辭皆屬應溥具草光緒初養親事畢乃入都重直軍機擢員外郎恭忠親王醇賢親王相繼秉政皆嘉其諳練每承旨摺詔頃刻千言曲當上意累遷禮部侍郎偕尙書崑岡按事河南自巡撫裕寬以下降黜有差朝鮮事起廷議主戰應溥造膝數陳多人所不敢言旋任軍機大臣再遷工部尙書謝病歸二十八年卒謚恭勤子駿祥翰林院侍讀

廖壽恆字仲山江蘇嘉定人同治二年進士授編修出督湖南學政光緒二年再擢侍講近畿旱災壽恆應詔陳言以爲吏治壞則民情懶以其愁苦之氣薄陰陽之和而災祲生應天以實不以文願皇上審敬忘明是非覈功罪信賞罰勿徒視爲具文語甚切至尋以內務府開支失實請嚴飭以爲浮濫者戒再督

河南學政累遷內閣學士仍留視學坐疏察生員欠考下部議處九年法人侵據越南安定壽恆疏言法以傳教爲事今乃思圖商務取徑越南越固我藩屬萬無棄而不顧之理臣愚以謂今日有必戰之勢而後有可和之局李鴻章威望最隆北洋勁旅非他人所能統御宜飭鴻章仍回北洋大臣本任坐鎮天津以衛畿輔而飭署督張樹聲還督兩廣樹聲忠勇宿將必能相機進討以伸保護屬國之義兩督臣各還本任事屬尋常可不啓外人之疑而進戰退守能發能收彼若悔禍自可轉圜若必併吞越南則是兵端自彼而開不得謂爲不修鄰好法越和議成壽恆復上疏言風聞法使至天津稱越南既議款因以分界撤兵事要約李鴻章鴻章拒不允擬即來都磋商譯署論者謂當虛與委蛇不知法據越南去我之屬國逐黑旗撤我之藩離通紅江奪我濱江之大利先機已失不可不圖挽回爲今之計直宜以欺陵小弱之罪布告列邦折以公法令改削所立條約河內安定一律讓還然後緩議法越通商之約見聞津海防務已飭備嚴整軍容改觀臣謂仍當選派知兵大員率兵輪駛赴越都以觀動靜

又飛檄廣西防軍援助劉永福增兵製械迅拔河內以扼敵衝河內既下北圻乃安蓋我不與法構兵永福不能不爲越守土故邇來陰助黑旗屢戰皆捷法人不得已乃託言保護永福忿懣填胸苟奉詔書無不一以當百如此則演粵之邊患稍紓越法之兵端可戢壽恆又以根本之計責在宸躬跬步不離正人乃可薰陶德性擬請皇太后皇上御前太監務取厚重樸實之人其有年紀太輕性情浮動者屏勿使近並請懿旨時加訓飭凡一切淺俗委瑣之言勿許達於宸聽庶幾深宮居息無往非崇德之端或可補毓慶宮課程所不及至於宮廷土木之工內府傳辦之件事屬尋常最易導引侈念伏願皇太后崇儉黜奢時以民生爲念俾皇上知稼穡之艱難目染耳濡聖功自懋如是則慈闈教育更勝於典樂命夔疏入上爲之勤容十年行走總理衙門遷兵部侍郎調禮部戶部吏部侍郎屢典試事偕都御史裕德查辦四川鹽務劾罷鹽茶道蔡逢年遣戍二十三年遷左都御史入軍機明年調禮部尙書太后訓政命出軍機以疾乞休二十九年卒

榮慶字華卿鄂卓爾氏蒙古正黃旗人光緒九年會試中式十二年成進士以編修充鑲藍旗管學官累遷至內閣學士蒙古學士遷轉運滯榮慶當引見或風以乞假謝曰窮達命也歟君可乎居三年擢洩臘卿轉通政副使簡山東學政丁母憂二十七年擢大理卿署倉場侍郎以創船監米改由火車逕運併倉廩增經費杜領米弊端裁稽查倉務御史皆如所請行和議成奉命會辦善後事宜兼政務處提調二十八年授刑部尙書大學堂之創立也命榮慶副張百熙爲管學大臣百熙一意更新榮慶時以舊學調濟之尋充會試副考官經濟特科閱卷大臣調禮部尙書復調戶部拜軍機大臣政務大臣榮慶既入政地尤汲汲於厲人才厚風俗營疏陳國家取才滿漢並重諳飭下閣部將所屬滿員嚴加考試設館課之一掌故之學二吏治之學三時務之學尤以御製勸善要言人臣倣心錄性理精義上諭八旗諸書爲居官立身之大本均令分門學習劄記大綱以覩其才識疏入報聞三十一年協辦大學士是冬改學部尙書明年充修訂官制大臣尋罷軍機專理部務德宗上寶充恭辦喪禮大臣宣統

元年以疾乞休溫旨慰留調禮部尙書孝欽后奉安充隨入地宮大臣恭點神牌晉太子少保三年裁禮部改爲弼德院副院長旋充顧問大臣德宗實錄館總裁國變後避居天津卒年五十八諱文恪榮慶持躬謹慎故事軍機大臣無公費率取給餽贍榮慶始入直深以爲病語同列合辭上請乃得支養廉銀二千而御前諸臣亦援例增給有差

那桐字琴軒葉赫那拉氏內務府滿洲鑲黃旗人光緒十一年舉人由戶部主事厯保四品京堂授鴻臚寺卿遷內閣學士二十六年兼直總理各國事務衙門管理藩院侍郎拏匪肇義各國聯兵來犯令赴豐台禦之外兵入京誤以東端爲匪竄欲屠之力解乃免兩宮西巡命充留京辦事大臣隨李鴻章議和約成專使日本謝罪又派赴日觀博覽會二十九年擢戶部尙書調外務部兼步軍統領管工巡局事創警務繕路政平反王維勤冤獄商民頌之三十一年晉大學士仍充外務部會辦大臣歷兼釐訂官制參預政務變通旗制署民政部尙書宣統元年命爲軍機大臣丁母憂請終制不許出署直隸總督請擬部款

修鳳河尋還直三年改官制授內閣協理大臣旋辭充弼德院顧問大臣國變後久臥病卒年六十有九

戴鴻慈字少懷廣東南海人光緒二年進士改庶吉士以編修督學山東父憂歸服除督學雲南後復充雲南鄉試正考官二十一年大考一等擢庶子日韓啟鑒我軍屢挫鴻慈連疏劾李鴻章調遣乖方遷延貽誤始終倚任丁汝昌請予嚴懲並責令速解汝昌到部治罪以肅軍紀均不報和議成鴻慈奏善後十二策一審敵情以固邦交二增陪都以資拱衛三設軍屯以實邊儲四築鐵道以省漕運五開煤鐵以收利權六稅煙酒以佐度支七行抽練以簡軍實八廣鑄造以精器械九簡使才以備折衝十重牧令以資治理十一召對羣僚以勵交修十二變通考試以求實用遷侍講學士督學福建再遷內閣學士學政報滿假歸省墓擢刑部侍郎赴西安行在上陳治本疏又請建兩部分六鎮以總督兼經略大臣得辟幕僚巡撫以下咸受節制是年冬隨扈還京轉戶部侍郎時各省教案滋多鴻慈請設宣諭化導使以學政兼充編輯外交成案頒發宣

講又請就翰林院創立報局各省遵設官報議格不行時設會議政務處有奉旨交議事件三品京堂以上與議鴻慈請推行閣部九卿翰林科道皆得各抒所見屬官則呈堂代遞可以收羣策勵人才下政務處採擇三十一年命五大臣出使各國考求政治鴻慈與焉將發黨人挾炸藥登車狙擊從者或被創人情惶懼鴻慈從容詣宮門取進止兩宮慰諭至泣下遂行厯十五邦凡八閱月歸國與戴澤端方尙其亨李盛鐸等裒輯列國政要百三十三卷歐美政治要義十八章會同進呈並奏言各國治理大略以爲觀其政體美爲合衆而尊重民權德本聯邦而實爲君主與匈同盟仍各用其制度法義同族不免偏於集權唯英人循秩序而不好激進其憲法出於自然之發達行之百年而無弊反乎此者有憲法不聯合之國如瑞典挪威則分離矣有憲法不完全之國如土耳其埃及則衰弱矣有憲法不公平允之國如俄羅斯則擾亂無已時矣種因既強莫如德海軍之強莫如英國民之富莫如美此國力之不同也窺其政略則殊結果亦異故有雖革改而適以召亂者此政體之不同也覩其國力陸軍之

俄法同盟德奧義同盟既互相倚助以求國勢之穩固德法摩洛哥之會議英俄東亞之協商其對於中國者德美海軍之擴張美法屯軍之增額又各審利害以爲商業之競爭蓋列強對峙之中無有一國孤立可以圖存者勢使然也況人民生殖日繁智識日開內力亦愈以膨脹故各國政策或因殖民而造西伯利亞之鐵路或因商務而開巴拿馬之運河或因國富而投資本於世界均有深意存焉此政略之不同也驗其民氣俄民志偉大而少秩序其國失之無教法民好美術而流晏逸其國失之過奢德民性倔強而尚武勇其國失之太驕美民喜自由而多放任其國失之複雜義民尚功利而近貪詐其國失之困貧惟英人富於自治自營之精神有獨立不羈之氣象人格之高風俗之厚爲各國所不及此民氣之不同也臣等觀於各國之大勢既如此又參綜比較窮其得失之源實不外君臣一心上下相維然後可收舉國一致之益否則名實相懸有可以斷其無效者約有三端一曰無開誠之心者國必危西班牙苛待殖民致有斐律賓古巴之敗英鑒於美民反抗而於澳洲坎拿大兩域予人民

以自治之權致有今日之強盛開誠故也俄滅波蘭而用嚴法以禁其語言今  
揭竿而起要求權利者即波蘭人也又於興學練兵皆以專制爲目的今滿洲  
之役不戰先潰莫斯科聖彼得堡之暴動即出於軍人與學生也防之愈密而  
禍即伏於所防之中患更發於所防之外不開誠故也二曰無慮遠之識者國  
必弱俄以交通之不便而用中央集權故其地方之自治日以不整美以疆域  
之大而用地方分權故其中央與地方之機關同時進步治大國與治小國固  
不侔也德以日爾曼法系趨於地方分權雖爲君主之國而人民有參與政治  
之資格法以羅馬法系趨於中央集權雖爲民主之國而政務操之官吏之手  
人民反無自治之能力兩相比較法弱於德有由來矣三曰無同化之力者國  
必擾美以共和政體重視人民權利雖人種複雜而同化力甚強故能上下相  
安於無事土耳其一國之中分十數種族語言宗教各不相同又無統一之機  
關致有今日之衰弱俄則種族尤雜不下百數語言亦分四十餘種其政府又  
多歧視之意見致有今日之紛亂與匈兩國雖同戴一君主而兩族之容貌習

尙語言性情迥殊故時起事端將來恐不免分離之患蓋法制不一畛域不化顯然標其名爲兩種族之國未有能享和平臻富强者矣此考察各國所得之實在情形也竊惟學問以相摩而益善國勢以相競而益強中國地處亞東又爲數千年文化之古國不免挾尊己卑人之見未嘗取世界列國之變遷而比較之甲午以前南北洋海陸軍製造各廠同時而興聲勢一振例之各省差占優勝矣然未嘗取列國之情狀而比較之也故比較對於內則滿益自阻之心日長比較對於外則爭存進取之志益堅然則謀國者亦善用其比較而已又奏臣等曠觀世界大勢深察中國近情非定國是無以安大計國是之要約有六事一曰舉國臣民立於同等法制之下以破除一切畛域二曰國是探決於公論三曰集中外之所長以謀國家與人民之安全發達四曰明官府之體制五曰定中央與地方之權限六曰公布國用及諸政務以上六事擬請明降諭旨宣天下以定國是約於十五年或二十年頒布憲法召集國會實行一切立憲制度又奏實行立憲既請明定期限則此十數年間苟不先籌預備轉瞬屆

期必至茫無所措今欲廓清種弊明定責成必先從官制入手擬請參酌中外  
統籌大局改定全國官制爲立憲之預備均奉諭旨採納遂定立憲之議先是  
鴻慈奉使在途已擢禮部尙書及還充釐定官制大臣轉法部尙書充經筵講  
官參預政務大臣時法部初設與大理院畫分權責往復爭議又改併部中職  
掌於是京外各級審判廳次第設矣又採英美制創立京師模範監獄三十四  
年疾作乞解職溫旨慰留兩宮升遐力疾視事宣統元年賞一等第三寶星充  
報聘俄國專使大臣禮成返國奏言道經東三省目擊日俄二國之經營殖民  
地不遺餘力非急籌抵制無以固邊圉非振興實業擴其自然之利無以圖富  
強請速辦墾殖森林二端俟財力稍裕再籌興學路礦兵屯各事以資捍衛臚  
陳辦法得旨下所司議行是年八月命入軍機晉協辦大學士二年卒加太子  
少保諡文誠

論曰樞臣入對序次有定後列者非特詢不得越言晚近領以尊親勢尤禁隔  
旅進旅退而已景廉多戰績額勒和布有清操庚身應溥通達諳練壽恒有責

難之言鴻悲負知新之譽榮慶謹慎持躬那桐和敏解事皆庶幾大臣之選者歟

英桂

宗室載齡

恩承

宗室福錕

崇禴

裕德

英桂字香巖赫舍哩氏滿洲正藍旗人道光元年舉人以中書充軍機章京晉侍讀授山東青州知府遷登萊青道擢山西按察使調山東署布政使咸豐三年擢河南巡撫署陝甘總督湖北英桂抵南陽籌防匪踞安徽六安州馳防汝寧捻首張洛行竄踞雉河集命英桂督三省軍務豐敗賊於三河尖穎上捕獲數匪陳汝安王庭貞遷山西巡撫同治元年欽差勝保被逮多隆阿代領其軍多所裁撤部將朱景詩復叛英桂奏言勝保舊部雖多烏合降衆久經戰陣多隆阿到營旬日遣歸七起未免操之過急窮無所歸乘機走險應遵前諭如能隨同立功仍准一體保奏以安衆心報聞遷福州將軍七年署閩浙總督奏言前督左宗棠議減兵者爲增餉也議增餉者爲練兵也應就地勢情形以定經久之

制浙江省依山阻海馬步水陸額兵三萬七千五十九名而駐於杭嘉湖寧溫紹台海濱七府者三萬餘名分駐湖金衢嚴處五府者七千餘名海疆偏重形勢瞭然加餉爲人情所願減兵又爲人情所難各屬形勢不同參以變通庶臻妥善今擬分別減兵增餉以本省應裁之餉加本省應存之兵至練兵擬照楚湘兵制整器械精技藝庶兵氣可揚水師戰船寬籌經費期復舊模又言輪船之設利於巨洋駕駛之法迥異長江並擬定外海礮艇章程十二條上均嘉納召爲內大臣十一年授兵部尙書兼總管內務府大臣調吏部兼步軍統領光緒元年協辦大學士三年授體仁閣大學士四年以病乞休五年卒贈太子太保諡文勤

宗室載齡字鶴峯隸鎮藍旗誠隱郡王允祉五世孫道光二十一年進士改庶吉士授檢討遷洗馬累至內閣學士以題定郡王載銓息肩圖稱門生違例鐫三級除光祿寺卿咸豐三年擢都察院副都御史授工部左侍郎粵匪竄踞河間阜城命載齡督防固安匪南竄撤防會川督裕瑞被劾命載齡往勘因疏

陳山西陝西四川捐輸欵項侵蝕濫銷諸弊請敕各督撫嚴查參辦並條上章程五則議行時黔匪逼近蜀境詔載齡嚴飭地方勸諭鄉團助聲勢尋署陝西巡撫調刑部侍郎仍留陝五年疏言前撫臣王慶雲請准遣戍新疆官犯捐輸改發內地捐數無多何裨國計此端一開行險徼倖之徒將肆意妄爲絕無忌憚所得小而所失大請停止以儆官邪上聽之尋詔回京授泰寧鎮總兵兼總管內務府大臣以病乞休病痊署禮部侍郎授刑部調吏部同治元年擢都察院左都御史遷兵部尚書九年丁父憂襲輔國公光緒三年調吏部協辦大學士明年授體仁閣大學士六年因病屢疏乞休允之九年卒贈太子太保謚文恪

恩承字露圃葉赫那拉氏滿洲正白旗人以筆帖式厯禮部郎中隨僧格林沁勦賊賞四品京堂授侍讀學士仍留營充翼長解山東濰縣團克沙溝營臨城驛破賊曹州又敗之臨朐縣南晉三品京堂授太常寺卿同治二年捻首張洛行伏誅賞黃馬褂擢內閣學士授鎮紅旗蒙古副都統以僧格林沁遇害坐革

職旋以勦奉天馬賊復原官授理藩院侍郎七年撫匪張總愚北竄恩承總統  
神機營馬步兵往雄霸扼防擒平還京歷調工部禮部刑部吏部光緒元年兼  
總管內務大臣擢都察院左都御史正藍旗漢軍都統遷禮部尙書命與侍郎  
章華往四川查辦總督丁寶楨等被劾案復奏寶楨交部議恩承言從古言利  
之臣咸以不加賦而財用足爲動人聽聞之具溯自軍興以來川省釐捐兩項  
協撥餉需以千百萬計苟非國家深仁厚澤何以人樂輸將方今軍務肅清民  
氣未復乃川省設立官運局所徵正欵已暗寓加釐所收雜款更巧爲攢派下  
與小民爭利而司道兩庫懸欠百萬有奇正欵反形支绌似於國計民生兩無  
裨益疏入敕部覈覆復命赴雲南查辦事件以侍郎閻敬銘劾恩承入川時失  
察家人需索部議革職留任回京授步軍統領十年遷刑部尙書調吏部協辦  
大學士明年授體仁閣大學士十三年命赴廣西湖南河南按事十五年轉東  
閣十八年卒諡文恪

宗室福錕字簷庭隸鎮藍旗理密親王允礎六世孫咸豐九年進士授吏部主

事晉員外郎光緒四年授右庶子遷侍讀學士擢太僕寺卿六年賞副都統充  
西畠辦事大臣八年召授兵部侍郎厯調刑部戶部十年擢工部尙書兼步軍  
統領命在總理各國事務衙門行走兼管內務府大臣調戶部協辦大學士以  
部駁機器鼓鑄福銀議革職改留任旋復官十五年加太子太保尙事府右庶  
子崇文疏劾大學士張之萬交納外官命福錕偕尙書潘祖蔭勘之奏言之萬  
住居湫隘門無雜賓樞臣接見外僚藉以考覈人才不得以因公謁見謂爲接  
納營私惟僧靜洲以方外浮屠往來仕宦之家易招物議請驅逐回籍報可十  
七年授體仁閣大學士二十年皇太后萬壽賞雙眼花翎時京師盜風甚熾福  
錕初禁步軍訊盜用嚴刑盜益肆至是奏請變通勦捕章程允之二十一年疏  
請乞休卒諡文慎

崇禮字受之姜氏內務府漢軍正白旗人咸豐年以拜唐阿爲清漪園苑丞文  
宗巡幸嘗詢以事奏對稱旨嘉獎之由員外郎厯內務府卿加內務府大臣光  
緒元年授山海關副都統乞病歸五年厯遷內閣學士命在總理各國事務衙

門行走補禮部右侍郎坐事議革職改降三級九年授光祿寺卿歷理藩院侍郎轉兵部戶部二十年加太子少保賞黃馬褂旋擢理藩院尚書出爲熱河都統再乞病二十四年授刑部尚書兼步軍統領崇禮勤於職事太后念先帝識拔頗推恩遇及政變起太后復訓政參預新政楊銳等獲罪崇禮以案情重大請欽派大學士軍機大臣會同審訊始命軍機會刑部都察院嚴審已又傳旨卽行正法二十六年調戶部協辦大學士二十九年授東閣大學士轉文淵閣三十二年以病乞罷又二年卒諡文恪

裕德字壽田喜塔臘氏滿洲正白旗人湖北巡撫崇綸子光緒二年進士改庶吉士授編修累遷侍讀八年充咸安宮總裁借詹事府少詹事寶昌等疏請整頓咸安宮官學凡六事下部議行五轉至內閣學士督山東學政十六年擢工部侍郎調刑部二十年授都察院左都御史命借侍郎廖壽恒赴四川按事二十四年遷理藩院尚書調兵部二十八年赴哲里木盟查辦事件因條上領荒招撫事宜如所議行二十九年協辦大學士授體仁閣大學士三十年充會試

總裁明年改東閣卒諱文慎裕德持躬謙謹禮賢下士有一得之長譽之不容口時皆稱之

論曰大學士滿漢並重非有資望不輕予大拜內閣不兼軍機者不參機務相業無聞焉英桂諸人或起軍功或承世蔭或嫻文學或優政事雖未能顯有名績而舊德老成雍容台鼎亦不愧宰相之器者歟

潘祖蔭

孫詒經

張家騁

張仁範

李文田

夏同善

張英麟

張亨嘉

潘祖蔭字伯寅江蘇吳縣人大學士世恩孫咸豐二年一甲三名進士授編修遷侍讀入直南書房充日講起居注官累遷侍讀學士除大理寺少卿左宗棠被劾召對簿罪不測祖蔭上疏營救且密薦其能獄解乃起獨領一軍十一年詔求直言祖蔭念車駕還都首斥奸佞綱紀一新爲上勤聖學求人才整軍務裕倉儲四事並請免賦以蘇民困汰釐以紓民力嚴軍律以拯民生廣中額以收民心纏繩數千言稱旨遷光祿寺卿興修治平寶鑑書成被賞賚先後糾彈官吏不職狀書凡數上文若欽差勝保直隸總督文煜陝西巡撫英棨布政使毛震壽甘肅布政使恩麟道員田在田諸人武若提督孔廣順總兵閻不斂副

將張維義諸人繇是直聲震朝端同治三年授左副都御史坐會議何桂清罪未列銜結吏議明年恭親王奕訢獲讞下羣臣譏祖蔭念董臣進退關繫安危疏請持平用中酌予轉圜祛世人惑補工部侍郎七年調戶部充經筵講官坐失部印褫職留任典順天鄉試再坐中式舉人徐景春文理荒謬鑄二級十三年特旨賞編修仍入直錄輸餉功釋處分光緒改元授大理寺卿補禮部右侍郎數遷工部尙書加太子少保五年主事吳可讚以死請爲穆宗立嗣祖蔭被命集議與徐桐等請申不建儲彝訓疏存毓慶宮明年偕惇親王奕誴等辦中俄交涉約既成籌善後條列練兵簡器開礮備餉四事進命入直軍機父憂歸服闋起權兵部尙書調補工部兼管順天府尹事大婚禮成晉太子太保十六年卒贈太子太傅諡文勤寶坻士紳感其救災勤勞額建專祠報可祖蔭嗜學通經史好收藏儲金石甚富先後數掌文衡典會試二鄉試三所得多貞士時與翁同龢並稱翁潘云

李文田字芍農廣東順德人咸豐九年一甲三名進士授編修入直南書房充

日講起居注官同治五年大考晉中允九年督江西學政累遷侍讀學士秩滿其母年已七十有七矣將乞終養會聞朝廷議修圓鑪遂入都覆命既至謁軍機大臣寶鋆告以東南事可危李光昭姦猥無行責其不能匡救寶鋆曰居南齋亦可言奚必責樞府文田曰正爲是來耳疏上不報踰歲上停止圓工封事略言巴夏禮等焚毀圓明園其人尙存昔既焚之而不懼安能禁其後之不復爲常人之家偶被盜刦猶必因其門墻慎其管鑰未聞有揮金誇富於盜前者今彗星見天象譖告而猶忍而出此必內府諸臣及左右愒人導皇上以脅削窮民之舉使脅削而果無他患則唐至元明將至今存大清何以有天下乎皇上亦思圓明園之所以興乎其時高宗西北拓地數千里東西諸國讐憚天威府庫充盈物力豐盛圓工取之內帑而民不知故皆樂圓之成今皆反是聖明在上此不待思而決者矣疏入上爲勤容俄乞假歸光緒八年遭母憂服竟起故官入直如故數遷至禮部侍郎充經筵講官領閣事二十年疏請起用恭親王奕訢及前布政使游智開依行明年卒卹如制諡文誠文田學識淹通述

作有體尤諳究西北輿地屢典試事類能識拔績學士皆稱之

孫詒經字子授浙江錢塘人咸豐十年進士選庶吉士聞杭州城陷乞假歸奉親辟居定海參甯紹台道張景渠軍平浙東有功還授檢討以倭仁薦入直南書房同治四年擢司業上言弭災在恤刑治獄先平法本律盜案不分首從聖祖世宗加以區別自頃盜風充斥槩用重典行十餘年案不減少則知弭盜之術不在用法之嚴請敕刑部改成例復祖制讓行會上將侍太后幸悼親王府既與夏同善諫罷未幾復將詣恭親王府祀神詒經再上疏言聖學方新宸修宜懲經帷屢曠則神志難專法駕時勤則見聞易惑一日行幸一日已荒念典之功今日行禮異日或啟遊觀之漸士論歸之遭父憂去服除仍原官入直如意十年遷侍講五月朔日食詒經以天道感應本諸人事於是有遇災修省之請十三年夏彗星見越數日太白經天人心惶駭詒經復有廣開言路及罷圓明園工程之請遷侍讀學士德宗續業大考一等擢詹事召對命直抒所見連上澄吏治慎海防機宜甚悉光緒六年俄畔啟東西海陸邊防亟詒經言能戰

然後能和兵力專顧海口北塘覆轍可鑒請調勁旅守東路並津水舉辦民團  
再遷刑部侍郎明年調戶部會左宗棠請修畿輔水利迺疏薦張之洞張佩綸  
資治理並以山東河患河員專治河堤不講修導建議購泰西機船及時修濬  
十一年入直毓慶宮山東河工領部銀百萬詒經廉得書吏史恩溥苛索狀嚴  
責繳還將懲治章未上而御史王廣榮等輒劾以輕縱上令明白回奏覆奏入  
卒陷吏議並罷直有勸引退者詒讓曰吾被恩遇久皇敢佚吾身邪於是專治  
部事佐度支凡十年時議設銀行造鐵路慮利權外溢斬斷持異議詒讓持躬  
清正思以儒術救時敝不阿權要爲同列所忌卒不得行其志先後數司文柄  
深惡末學骯髒積習墮之惟恐不皇所得多知名士生平論學不分漢宋謂經  
學即理學又曰學所以厲行也博學而薄行學奚足尙一時爲學者所宗十六  
年卒優詔賜鄉謚文慤

夏同善字子松浙江仁和人咸豐六年進士選庶吉士授編修累遷右庶子充  
日講起居注官十年粵寇陷江南諸軍無所統請屬之曾國藩又以北塘之役

惜格林沁軍退頓通州桂良再就議欵同善建議敵情叵測宜專任僧格林沁  
備戰守敕並依行父憂歸服闋起故官同治六年遷少詹事其時傳言車駕將  
幸惇親王府召集梨園同善聞之與係諱經合疏諫止略言皇上冲齡敬天未  
至南郊游幸先臨府第未安者一聖學端資養正耳目玩好偶有所娛恐疏而  
不密未安者二近頃軍事未寧遊觀之事傳播四方曷以慰臣民望未安者三  
英俄人士雜處京畿稍示以懈何能帖伏未安者四夫孝以禮爲歸禮以時爲  
大非時不舉古有明箴乞罷止以彰聖德出督江蘇學政遭繼母喪去職起詹  
事十年遷兵部右侍郎秋患霍亂奉其狀以上乞申虔禱實行敦節儉廣賑濟  
開言路清庶獄諸政語至劖切十三年偕尙書廣壽詣四川按事奏請撤永川  
等兵差局綿竹等夫馬局光緒元年命直毓慶宮授讀固辭不獲益屏家事勿  
問退唯默坐觀書思所以爲獻納地先後累言盜案刑例宜復舊制分首從畿  
輔旱請鑿井灌田蘇之晉豫飢請移海防關稅經費恤之四年復命視學江蘇  
陞辭日力陳捐納有虧民生無裨國用稱旨明年被命巡視山東黃河條上治

下游三事曰濬海口曰直河灣曰通支河請移機器局經費治之其秋閔緣江  
礮臺又歷陳三不可恃請合數省力助守江口已築者毋廢未築者毋增上然  
其言嘗割俸濬江陰城河植松五萬餘於君山民德之六年卒德宗聞之適泣  
其忠誠荷主知如此遺疏入賜卹如例諡文敬子庚復主事敦復御史

張家驥字子牘浙江鄞縣人同治元年進士選庶吉士授編修督山東學政調  
山西遭父憂解職服除起故官遷侍講入直南書房光緒元年轉侍讀充日講  
起居注官五年命直毓慶宮遷侍講學士明年劉銘傳奉召入都疏請籌造清  
江浦鐵路下李鴻章等議家驥念典學方新講求上理萬一言利之臣隨聲附  
和一言償事關繫匪輕迺力陳三弊阻止之疏入仍令鴻章覆覆鴻章力主銘  
傳策然自是御史洪良品陳五害倚譖張楷陳九不利並隨家驥而上諫書矣  
事竟寢數遷內閣學士充經筵講官九年授工部右侍郎調吏部家驥純謹好  
學一謝時趨莅官端慎授帝讀朝夕納誨頗能盡心所職十年卒上悼惜賜祭  
葬如制諡文莊

張英麟字振卿山東慤城人同治四年進士選庶吉士授編修十三年命偕檢討王慶祺在弘德殿行走英麟甫入直即乞假歸省未幾穆宗崩慶祺以有罪褫職衆皆稱其志節厯典福建雲南鄉試累遷祭酒充經筵講官光緒十七年以詹事授奉天府丞兼學政奉省士民模素隨輶所至力加獎勸學風興起晉內閣學士簡順天學政擢吏部侍郎二十六年通州試竣回京兩宮西狩官吏遷避英麟獨守學政關防待交替明年召赴行在應詔上疏請力崇節儉乘輿回鑾議變法英麟言祖宗法制可整飭不可遽更張二十九年充會試副總裁借閱河南改試策論經義英麟嚴衡校多取績學會改官制英麟以侍郎遷副都統漢員授旂官自此始旋晉都統三十四年授都御史時議行憲政許士民上書英麟必詳審爲代達御史江春霖直劾親貴斥回原衙門英麟率全臺合疏留之宣統改元攝政監國復舉輪講之典英麟撰資治通鑑講章以進皆發明精義比附近情真以誠意相感動章上但循故事留覽而已三年武昌變起內閣改制飭都察院及凡有言責者皆停奏事英麟歎息以爲奇變遜位詔下

遂乞罷歸德宗永遠奉安猶奔赴崇陵謁送重宴瓊林加太子太保乙丑冬卒年八十有八

張仁黼字劭予河南固始人光緒二年進士選庶吉士授編修入直上書房出督湖北學政以朱子小學近思錄訓士累遷洗馬充日講起居注官補侍講二十年日本衅起樞臣被劾迺與李文田等請起用恭親王奕訢稱旨遷鴻臚寺卿典試四川除奉天府府丞父憂未之官二十六年拳亂作奉命在籍治團練服闋赴行在時財匱議加丁口稅仁黼謂今日國勢極危而人心未去者良由世祖除明季三餉聖祖詔丁口以五十年爲率嗣後滋生永不加賦深仁厚澤民不能忘今議加丁稅違祖制拂民情必不可事遂寢還京撫順天府府尹再遷兵部侍郎典試江西歷學部法部三十三年補大理院正卿奏請敕部院大臣會訂法律略言法律主要在乎組織立法機關而所以成之者有三曰定法律宗旨曰辨法律性質編法律成典中國數千年來禮陶樂淑人人皆知尊君親上此迺國粹所在必宜保存用各國之法以補其不足尤須造就法律人才治

法治人相因爲用然後可收實效又言立法之要規模不可不闊推行必宜有  
漸否則未當於人心而貿然以試誠恐外國屬人主義勢力日益擴張而吾國  
屬地主義處理愈形棼糾有司奉行不善反使外人得以藉口爲患甚大疏入  
多議行俄授吏部侍郎充經筵講官三十四年丁母憂未幾卒仁黼內行修不  
自標異嘗被命治河卻例饋節省金同官擢謂將興大獄仁黼忽索取金衆始  
安然頗怪其失操已而河南巡撫上言紳士助學校金不受獎斂數與之同朝  
士益服其清不絕物云

張亨嘉字燮鈞福建侯官人光緒九年進士選庶吉士授編修十四年視學湖  
南念儒官爲士模範不激濁揚清曷以勵風教疏薦文行交修者數人土習爲  
一變二十三年入直南書房越二年除司業頻轉太常寺少卿一歲五遷殊數  
也二十六年夏親貴大臣信寧民有神術能攘外飾詞入告上疑之命亨嘉察  
視亨嘉知其不可恃條上弭釁機宜甚悉疏甫入而亂作西狩還獨先賜用徒  
大理寺卿明年出督浙江學政頗採西國政教命題試士多得通材尙書張百

熙榮慶既爲學務大臣別置大學總監督享嘉遂被命任校事仍不離內廷職大學中更冠亂肆業生不畱百迺廸學名廣集高材生類別學科禮聘儒宿及東西邦學人專門教授書籍儀器槩然具備兼攝進士館監督進士習法政自此始歷光祿寺卿左副都御史兵部侍郎逾歲疏辭校職轉禮部侍郎充經筵講官享嘉爲人敦質嗜古精鑒實事母孝母黃氏壽百歲同列奏麻瑞中與後命婦享高耄者與詹事袁葆恆祖母郭氏二人而已上聞之歎異加恩賜予十四年遭喪去終服仍入直宣統二年卒賜祭葬謚文厚

論曰同光典學內直諸臣每兼授讀體制較隆而文學侍從亦多選績學時備顧問稱榮幸焉祖蔭好賢勤事文田學識淹雅同以通博稱詒經重質學同善崇聖德家風盡心誨納英麟早勵風節並無愧師儒仁輔享嘉尤倦倦於明法修學後先相望其風采皆隱然可見焉

清史稿

徐樹銘

宗室延煦

子貴軍

汪鳴鑾

周家楣

胡燧棻

張蔭桓

列傳二百二十九

徐樹銘字壽衡湖南長沙人道光二十七年進士選庶吉士授編修典四川鄉試咸豐二年遷中允簡山東學政累遷內閣學士授兵部右侍郎督學福建按試興泉適莆田同安呂黃二氏械鬪勢洶洶樹銘喻以大義手書勸諭文付二氏躬祭鬪死者而哀之二氏愧悔復爲立型仁講讓二塾訓其子弟二氏愈益和秩滿乞歸養同治五年起署禮部左侍郎明年督學浙江以薦舉人才中列已罷編修愈懼嚴旨付吏議謫遷太常寺少卿光緒初除鴻臚寺卿遭父憂終喪起授通政司副使十年晉太常寺卿永定河決詔樹銘往勘既至奏罷河工酌用民力及折價交土章程民德之法越事急念海道梗阻迺疏請漕糧改歸

河運敕直隸總督治南運全河十二年補左副都御史時議廢當十錢復制錢  
民心惶惑樹銘言於戶部尙書閻敬銘請發倉廩俾民以當十錢購粟糴平而  
錢不廢民迺安十五年授工部右侍郎歷充順天浙江鄉試正副考官會試總  
裁二十年中東構欽樹銘數十封事皆不報旋遷左都御史充經筵講官疏請  
行薦政敕督撫令有司督辦以從違爲舉劾上嘉納下其疏各省二十五年拜  
工部尙書旋病卒予優卹樹銘幼穎異問學於何桂珍曾國藩倭仁唐鑑諸人  
生平無私蓄惟嗜鐘鼎書畫藏書數十萬卷雖耄猶勤學不倦云

薛允升字雲階陝西長安人咸豐六年進士授刑部主事累遷郎中出知江西  
饒州府光緒三年授四川成縣龍茂道調署建昌明年遷山西按察使值大祲  
治振綜覈出入民獲甦又明年晉山東布政使權漕運總督淮上患劇盜久未  
獲允升諭得其巢遣吏士往捕歲除夕盜方飲酒未誠備悉就執六年召爲刑  
部侍郎歷禮兵工三部而佐兵部爲久念國家養兵刃糜餉糈因條列練兵裁  
勇機宜上嘉納十九年授刑部尙書初允升觀政刑曹以刑名關民命窮年討

湖律例遇滯義筆諸冊久之有所得或以律書求解輒爲關導而其爲用壹歸  
廉平凡所定讞案法隨科人莫能增損一字長官信仗之有大獄輒以相屬其  
鞫囚如與家人語務使隱情畢達枉則爲之平反始以治王宏魯獄顯名蓋民  
有墮水死者團防局勇已不勝榜掠承矣允升覆訊事白厥後江南民周五殺  
朱彪遁參將胡金傳欲邀功捕僧紹棕曲學如論死侍讀學士陳寶琛糾彈之  
上命允升往按廉得實承審官皆懲辦如律二十二年太監李蔓材張受山構  
衆擊殺捕者嚴旨付部議允升擬援光棍例治之而總管太監李蓮英爲乞恩  
太后以例有傷人致死按律問擬一語敕再議允升言李蔓材等一案既非謀  
故嗣殺不得援此語爲附合且我朝家法嚴宦寺倍治罪此次從嚴懲治不能  
仰體哀矜之意已愧於心倘復遷就定讞並置初奉諭旨於不顧則負疚益深  
夫立法本以懲惡而法外亦可施仁皇上果欲肅清輩輩裁抑奄宦則仍依原  
奏辦理若以爲過嚴或誅首而宥從自在皇上權衡至當非臣等所敢定擬也  
疏上仍敕部議罪其時蓮英偏屬要人求末減允升不爲動復奏請處斬張受

山至李萇材傷人未死量減爲斬監候從之二十三年其從子濟闢說通賄御史張仲忻給事中蔣式芬先後論劾允升坐不遠嫌鐫三級貶授宗人府府丞次年謝病歸二十六年奉禍作兩官幸西安允升赴行在復起用刑部侍郎尋授尚書以老辭不允二十七年回變從駕至河南病卒卹如制著有漢律輯存六卷漢律決事比四卷唐明律合編四十卷服制備攷四卷讀例存疑五十四卷子浚光緒六年進士官禮部郎中

宗室延煦字樹南隸正藍旗直隸總督慶祺子以任子官禮部主事咸豐六年成進士選庶吉士授編修十三年車駕北狩錄城防功擢四品京堂明年授贊善累遷內閣學士除盛京兵部侍郎同治六年調戶部數勘辦展邊墾地十一年移督倉場與漢侍郎畢道遠疏請漕糧起運本色濟兵食議行光緒二年出爲熱河都統以圍場曠莽易叢奸宄請增置營汛資守禦有土寇王致岡者構衆擾平泉赤峰建昌諸處積爲民患官軍莫能捕至是遣守備松恩勦平之尋移疾去九年授左都御史念會典事例自嘉慶間續修中更六十餘年典章制

度視昔彌勦及今不修恐文獻無徵難免舛漏疏請敕廷臣集議開館限年修  
明憲典得旨報可十年曾理藩院尙書調禮部萬壽聖節大學士左宗棠未隨  
班叩祝延煦上疏諭効略謂左宗棠職居首列鴻臚引班時竟步出乾清門不  
勝駁訛國家優禮大臣宗棠被恩尤重縱捐頂踵未報萬一迺躬履尊嚴之地  
絕無誠敬之心如曰避疾曷弗請假而必故亂班聯害禮負恩莫或斯等疏上  
下宗棠吏議以延煦語過當詔革職留任會山東民公決口言者劾巡撫陳士  
杰誤工狀命延煦偕祁世長往按白其誣而言其失計又以違旨巡察海防具  
圖說以上謂煙臺旅順對峙海面至此一束兩岸同心阨守要隘津沽得有鎖  
鑰防守之法應如何測淺深審沙綫備船礮設水師募諳海戰之人必有制勝  
之策上題其議特宣示還京再移疾不允十二年兩宮祇謁東陵詣孝貞顯皇  
后陵寢慈禧皇太后不欲行拜跪禮延煦持不可面爭數四方是時太后怒甚  
禮部長官咸失色延煦從容無少變太后卒無以難不得已跪拜如儀延煦起  
家貴介以文詞受主知而立朝大節侃侃無所撓土論偉之明年卒子會章光

緒二年進士歷官理藩院侍郎戊戌政變漢京朝旨擢法網者衆會章獨奏論  
刑獄貴持其平不當以滿漢分畛域言人所不敢首論者謂其伉直有父風  
汪鳴鑾字柳門浙江錢塘人少幼學同治四年成進士選庶吉士授編修遷司  
業益覃研經學謂聖道垂諸六經經學非訓詁不明訓詁非文字不著治經當  
從許書入手嘗疏請以許慎從祀文廟歷督陝甘江西山東廣東學政典河南  
江西山東鄉試額重實學號得士光緒三年父憂歸服闋起故官歷遷內閣學  
士晉工部侍郎兼筦戶部三庫十六年赴吉林按事與尙書敬信俱二十年主  
禮部試時日韓辟起朝議紛呶詔行走總理各國事務衙門充五城團防大臣  
調吏部右侍郎兼貳刑部踰年和議成日人堅索臺灣鳴鑾力陳不可稱上意  
時上久親政數召見朝臣鳴鑾奏對尤切直忌者遠之太后故抑揚其語太后  
信之上不自安其冬遂下詔曰朕侍奉皇太后仰蒙慈訓大而軍國機宜小而  
起居服御體恤朕躬無微不至迺有不學無術之徒妄事揣摩輒於召對時語  
氣抑揚閭知輕重如侍郎汪鳴鑾長麟上年屢次召見信口妄言迹近離間本

欲即行治罪因軍務方棘隱忍未發今特曉諭諸臣知所儆惕汪鳴鑾長麟並革職永不叙用嗣後內外大小臣工有敢巧言嘗試者朕必治以重罪既罷歸主講杭州詁經精舍數文書院三十二年卒長麟滿洲鑲藍旗人光緒六年編譯進士授編修累至戶部右侍郎

周家楣字小棠江蘇宜興人咸豐九年進士選庶吉士散館改禮部主事充總理各國事務衙門章京其時教諭棘四川總督駱秉章夙持正外人以將軍崇實易與遇事輒就決之數興大獄至殺平民二百人勿之間家楣上書執政極言其害請敎案歸總督裁決卒如所言各國相繼換約交涉益劇枋事者多依違家楣苦心經營凡議覲禮遣使臣護僑民皆委曲歷久而后定泊日本關臺灣海防亟迺爲策先謀足以制日者於是大學士文祥舉立海軍造船艦築礮臺製槍械采煤鐵招僑商及用人籌餉諸端折衷衆說屬草議上之累遷郎中擢五品京堂光緒改元除太僕寺少卿典四川鄉試越二載遷順天府府尹兼總理各國事務大臣適憂去服闋署左副都御史直總署如故八年再授順天

府府尹時吏治日弛家楣自初蒞即奏增經費劾汚吏練捕盜營親決獄訟設通州良鄉官車局近畿教養義塾善堂留養局增貢院號舍擴金臺書院製孔廟祭器樂器及再任益有興革郡中一切皆治辦九年霪雨河溢州邑籲苗亟疏請帑復募集銀百餘萬會關東大熟勸募雜糧亦獲數萬石卽飢困明年春大舉工賑濟京南鳳河京東北運河武清寶坻兩減河宛平鹿谷莊百二十村溝洫通州涿州霸州保定堤壩決口分助直魯工賑皆鉅萬金謂京畿捫荒之政爲百年所未有云家楣方負時望累兼署禮戶兵三部侍郎上意駁擣用旣而恭親王奕訢罷政朝局一變法越事起朝士激昂多主戰家楣以法強盛不可輕敵迺自具疏略謂法人肆擾海臺臺灣亟於戰禦餉械阻絕敵以兵船十數游弋海口伺隙抵蠻各國且潛濟之臺灣雖勝與內地隔越南得手得一地留一師亦恐分兵致弱今調停之說發之自彼權之在我不得不別具深謀欲禽先縱至中國實能自強轉無戰之可言此大局之樞紐也疏上自知其言不協時曰吾終不以附和誤國給事中孔憲毅劾張蔭桓洩機密語連家楣及

吳廷芬等乃罷直總署轉通政使十三年卒順天士民感其遺惠請建通州專祠詔允之

周德潤字生霖廣西臨桂人同治六年進士選庶吉士授編修遷司業厯侍讀學士充日講起居注官光緒八年除少詹事星變陳言上修理政刑六事再遷內閣學士十年大學士左宗棠稱疾請解職德潤力言宗棠不宜去位請旨責其引退之非示以致身之義稱旨當是時言路發撻德潤先後劾巡撫李文敏倪文蔚不職狀有直聲法越構兵倡救越議數請力保藩封速定戰計條列五務十端可危者八不可和者五宜用兵者七又以防務不可歲月計復請亟籌強邊積穀以老敵師操勝算疏凡十餘上上數召見嘉其諳邊情命行走總理各國事務衙門兩次請敕廷臣集議未幾和議起法人勸退兵益索償費議者欲與之德潤持不可謂苟傷國體即一介不可與請定志毋退縮已讓敗事棘德潤獨具疏略言藩封可棄猶謂非城中也邊界可分猶謂非腹地也而可通兵可徹猶謂守約非背約也五條外橫生枝節若猶遷就其何能圖請嚴拒之

並陳和戰機宜甚悉上以單銜入告乖和衷諭罷直總署及明詔與法宣戰德潤遵旨覆陳叢越戰計力駁德瑞琳盛宣懷所擬和約條列教臺復越六策力主先戰後和復上安徽釐稅梧州關稅積弊狀先後命大臣廉得實設法整飭之歲課贏數十萬明年和議將成德潤臚舉九事進曰習勤苦責彊吏消內宄募銳卒杜中飽會辦北洋大臣宜分駐奉天海口南北宜聯一氣滇粵官籌善後雲南宜設機器局上嘉焉時法使浦理燮等赴越朝命德潤詣滇治界務德潤率道員葉廷睿等出關勘都竟南丹古林等緣南溪河至河口保勝盤耗十二年與法使狄隆等論界綫以緣邊二千餘里議分五段執志乘與爭更正沒入越地三十餘里險要地四十里復大賭呪河外苗塘子諸地數百里踰歲還除刑部侍郎督順天學政十八年卒予優卹

胡燏棻字芸楣安徽泗州人本籍浙江蕭山同治十三年進士選庶吉士散館改知廣西靈川縣未上納貢爲道員銓直隸總督李鴻章俾筦北洋軍械補天津道光緒十四年鴻章將出閱海軍有巨猾覬爲變流言胥動各國領事詰鴻

章鴻章以其事屬燶葵越三月捕治之民迺定海舟應徭自奉天運米豆輸天津充戶長者歲出金三萬往往破家燶葵廉得狀上鴻章奏罷之十六年大水民數萬止城上燶葵據北倉西沽粥廠徒居之鴻章用其言募集銀三百數十萬復督塞南北運河諸溢流凡八十餘處民猶及種麥十七年遷廣西按察使賜頭品服逾歲到官多所平反兩權布政使建過業堂教士下臨桂知縣督諸囚習藝二十年入覲會中東事起命治精臺師挫鴻章東渡行成諸軍西入關燶葵疏請賛遣之蔣希夷軍幾潰燶葵單騎宣諭卒解遣無敢譁者朝廷恫喪師知募兵不足恃命燶葵主練兵成十營額小站號定武軍小站練兵自此始燶葵上疏言變法自強條列十事曰開鐵路自漢口至京爲幹路其分支南自光山固始出六安自應城京山安陸出荊門當陽西自懷慶出軒關逕蒲解達關隴東自開封歸德過宿泗抵清江曰造鈔幣銀幣母使各國鑄市利曰製機器國家用槍礮船械令民廠自造可塞漏卮曰開礦產築路需煤鐵鑄幣需金銀銅製機器需五金擇良吏主其事曰折南漕官祿軍糈並易以銀仍就津市

米儲通州備緩急曰減兵額汰老弱簡精壯化無用爲有用曰創郵政取其貲  
佐度支驛站提塘皆可廢曰練陸軍將知學問械求盡一兵取良家厚將領月  
糈嚴戒侵蝕曰整海軍軍置帥總領緣海七省隸中樞不受疆吏節度曰設學  
堂農商工礦醫有頴家水師陸軍女子盲啞有教法朝廷爲定制甄而用之又  
言停武科練旗兵器械營制鑄章並從西式次第皆采用是歲定議造鐵路自  
蘆溝至津命燧棻充督辦尋授順天府府尹疏請展京西支路首蘆溝訖門頭  
溝便煤運已充總理各國事務大臣時董福祥軍駐南苑研傷鐵路西國工程  
師各公使訴於朝請罷董軍燧棻力爭始留駐近畿然卒以此罷直總署燧棻  
夙以談洋務著稱次年奉匪入京指爲通敵欲殺之逸而免膺會辦關內外鐵  
路之命路爲聯軍占歲餘始與英使訂約接收復歸於我遷刑部右侍郎三十  
二年轉禮部尋轉郵傳部卒歸如制予天津建祠

張蔭桓字樵野廣東南海人性通悅納貨爲知縣銓山東巡撫閩敬銘丁寶楨  
先後器異之數薦至道員光緒二年擢登萊青道時英國請開煙臺租界議倡

馬頭捐以欵厚賛蔭桓持不可又義利一區爲人盜售有司已鈐契矣復與力爭卒返其地七年授安徽徽寧池太廣道扶蘇湖關痼弊稅驟進會久壅兩江流衍溢州邑顧蓄出俸錢振之明年遷按察使徵還貲三品京堂命直總理各國事務銜門十年除太常寺少卿蔭桓精敏號知外務驟躋巍官務攬權爲同列所忌給事中孔憲穀摭其致蘇松太道邵友濂私函爲洩朝旨勅之詔出總署又以語連同官並罷周家楣等朝列益銜之左遷直隸大順廣道十一年命充出使美日秘三國大臣踰歲赴美舟抵金山稅司黑假索觀國書蔭桓謂非關吏所得預岐拒之電話美外部黑假蹕蹕謝至伊士賴地近洛士丙冷華民簞食相迎初華民之備其地也爲美工燔殺數至二百餘人前使鄭藻如案償所毀財產久不得直至是皆待命蔭桓既達美都即與其外部辨論凡償墨西哥銀十四萬七千有奇金山華民故好械鬪嘗爲文風諭之未幾美設苛例欲禁遇華工蔭桓曰與其繫命它族毋害斯勿與通也於是倡自禁華工議繼迺徇衆請不果行其它烏盧公司澳路非奴姑阿路美的欽巴新當槐花

國諸案亦多所斡旋又與日廷爭論小呂宋設官事卒如所議是歲除太常寺卿轉通政司副使十三年奏設古巴學堂並籌建金山學堂醫院後三年還國仍直總署歷遷戶部左侍郎二十年中日議和命偕友濂爲全權大臣東渡日人弗納次年復命與日使林董廣議商約蔭桓力爭優待利益徵收稅則一事成通商行船二十九欵語具邦交志二十三年奉使賀英上以其領度支熟知外情命就彼國兼議加稅堅拒免釐蔭桓歷英美法德俄而還條具聞見累疏以陳大旨謂宜屏外援籌固圉爲箴言起廢策二十四年京師設礦務鐵路總局被命主其事數言修內政以戢民志治團練以裕兵力敕並依行先是變法議起主事康有爲與往還甚密有爲獲讐遂褫蔭桓職謫戍新疆越二年拳亂作用事者爲詔慘異已蔭桓論斬戍所二十七年復故官

論曰光緒朝部院大臣多負物望其兼直總署者時方重交涉權比樞廷樹銘允升通經明律家楣德潤議約論戰炳彝熟時務蔭桓諳外交皆各有建白一時理亂實疊繫之鳴鑒以妄言罷斥論者疑非其罪延煦爭謁陵拜跪勸朝賀

亂班侃侃尤無愧禮臣云

清史稿

列傳二百二十九

八

清史稿

列傳二百三十

孫家鼐

張百熙

唐景崇

于式枚

沈家本

孫家鼐字夢臣安徽壽州人咸豐九年一甲一名進士授修撰歷侍讀入直上書房光緒四年命在毓慶宮行走與尚書翁同龢授上讀累遷內閣學士擢工部侍郎江西學政陳寶琛疏請以先儒黃宗羲顧炎武從祀文廟議者多以爲未可家鼐與潘祖蔭翁同龢孫詒經等再請始議准十六年授都察院左都御史工部尚書兼順天府尹二十年中日事起朝議主戰家鼐力言鑑不可啟二十四年以吏部尚書協辦大學士命爲管學大臣時方議變法廢科舉興學校設報編書皆特交核覆家鼐一裁以正嘗疏謂國家廣集卿士以資議政聽言固不厭求詳然執兩用中精擇密處尤賴聖知其所建議類能持大體及議廢立家鼐獨持不可旋以病乞罷二十六年乘輿西狩召赴行在起禮部尚書還

京拜體仁閣大學士歷轉東閣文淵閣晉武英殿充學務大臣裁度規章折衷中外嚴定宗旨一以敦行質學爲主學風爲之一靖議改官制命與慶親王奕劻軍機大臣瞿鴻禪總司核定御史趙啟霖劾奕効及其子貝子載振受賄納優命醇親王載灃與家鼐往案啟霖坐污穢親貴褫職而載振等亦乞罷兼官資政院立命貝子溥倫及家鼐爲總裁一持正議不阿時詔請臣輪班進講家鼐撰尙書四子書講義以進三十四年二月以鄉舉重逢賞太子太傅歷蒙賜壽頒賞御書及諸珍品賜紫鞚紫禁城內坐二人暖輪恩遇優渥宣統元年再疏乞病溫詔慰留尋卒年八十有二贈太傅諡文正家鼐簡約歛退生平無疾言遽色雖貴與諸生鈞禮閉門齋居雜賓遠跡推避權勢若怯嘗督湖北學政典山西試再典順天試總裁會試屢充閱卷大臣獨無所私嘗拔一卷刷二甲同列意不可即屏退之其讓不喜競類此器量尤廣庚子外人譖懲禍首戮大臣編修劉廷琛謂失國體責宰輔不能爭家鼐揖而引過其後詔舉御史家鼐獨保廷琛謂義以大義見責知忠鲠必不負國世皆稱之

張百熙字埜秋長沙人同治十三年進士授編修督山東學政典試四川命直  
南書房再遷侍讀光緒二十年朝鮮數起朝議多主戰百熙疏劾李鴻章陽作  
戰備陰實主和左寶貴磊士成皆勇敢善戰之將以餽械不繼遂致敗績咎在  
鴻章又劾禮親王世鐸筦樞務招納權賄戰事起一倚鴻章貽誤兵機皆不報  
時值太后萬壽承辦典禮者猶競尚華飾百熙奏罷之復偕侍講學士陸寶忠  
等合彈樞臣朋比誤國十大罪未幾孫毓汶引疾歸恭親王奕訢復入軍機而  
百熙亦出督廣東學政累遷內閣學士二十四年坐濫舉康有爲革職留任二  
十六年授禮部侍郎擢左都御史充頭等專使大臣拳匪亂定下詔求言百熙  
抗疏陳大計請改官制理財政變科舉建學堂設報館明年遷工部尙書調刑  
部充管學大臣京師之有大學堂也始於中日戰後侍郎李端棻奏請立學中  
旨報可而樞府厭言新政請緩行迄戊戌乃奉嚴旨促擬學章命孫家鼐爲管  
學大臣及政變惟大學以萌芽早得不廢許景澄繼管學坐論義和團被誅兩  
宮西幸百熙詣行在以人望被斯任於是海內欣然望興學矣百熙奏加冀州

知州吳汝綸五品卿銜總教大學汝綸辭不應百熙具衣冠拜之汝綸請赴日本察視學務大學教職員皆自聘又薪金優厚忌嫉者衆蜚語浸聞汝綸返國未至京卒而百熙所倚以辦學者門人沈兆祉亦受讒構大學既負時謗言官奏稱本朝定制部官大率滿漢相維請更設滿大臣主教事乃增命榮慶爲管學大臣旋別設學務處以張亨嘉爲大學總監督百熙權益分始議分建七科大學又選派諸生游學東西洋榮慶意不謂可而百熙持之堅親至站送諸生登車各省之派官費生自此始值張之洞入覲命改定學章及還鎮復命家鼐爲管學大臣凡三管學百熙位第三矣百熙擬建分科大學以紓於資而止惟創醫學及譯學館實業館遞謝學務賞黃馬褂紫禁城騎馬後歷禮部戶部郵傳部尙書政務學務編纂官制諸大臣卒贈太子少保諡文達

唐景崇字春卿廣西灌陽人父懋功舉人有學行景崇同治十年進士授編修山侍讀四遷至內閣學士二十年典試廣東明年主會試歷兵部禮部侍郎權左都御史出督浙江學政母憂歸奉禍起命督辦廣西團練二十九年以工部

侍郎典試浙江督江蘇學政三十一年詔罷科歲試學政專司考校學務景崇  
條上十事明年罷學政還京供職疏陳立憲大要四事時兩廣疆臣建議廣西  
省會移治南甯南京朝官皆持異議景崇奏陳遷省之議以越南逼近龍州法人  
時蓄狡謀桂林距離遠聲氣難通不若改建南甯之便臣謂不然今我兵力尙  
不能經營邕州扼北海水陸衝要徒虛張聲勢招外人疑忌何爲且遷徙繕造  
之費桂林善後之費練兵設防之費皆非巨歟不辦方今俄居西陲英窺南徼  
蒙藏川滇勢均岌岌非獨一法人之可畏以大局論決不能端全力事廣西之  
一隅以廣西論亦不能端全力事南甯之一隅明矣故爲今之計誠能簡重臣  
駐龍州於對汛邊地二千里相度土宜興辦樹藝屯墾畜牧開礦諸端俟地利  
漸興人齒漸繁再以兵法部勒此上策也至目前應變之方莫如迅設龍州電  
綫移提督駐南甯增募十營暫停廣西應解賠款飭各省欠解廣西協餉分年  
攤解用抵賠款一轉移間餉足則兵強可紓朝廷南顧之憂若遷省之舉勞民  
費財無益於治事得廢調吏部侍郎充經筵講官景崇以續學端品受主知屢

司文柄迨科舉罷廷試游學畢業生皆倚景崇校閱宣統元年戴鴻慈卒遺疏  
鴻景崇堪大用二年擢學部尙書明年詔設內閣改學務大臣是時學說紛歧  
景崇力謀溝通新舊慎擇教科書兼任弼德院顧問大臣武昌變起袁世凱總  
理內閣仍命掌學務引疾去越三年卒諱文簡景崇博覽羣書通天文算術尤  
喜治史自爲編修時取新唐書爲作注大例有三曰糾繆曰補闕曰疏解甄采  
書逾數百種家故貧得秘籍精本輒典質購之殫精畢世唯缺地理志內羣廢  
州及藝文志餘均脫稿

于式枚字晦若賀縣人博聞強記善屬文光緒六年進士以庶吉士散館用兵  
部主事李鴻章疏調北洋差遣歷十餘年奏牘多出其手性不樂爲外吏又格  
於例不得保升京秩久之不遷二十二年鴻章賀俄皇加冕因歷聘德法英美  
諸國式枚充隨員俄選授禮部主事由員外郎授御史遷給事中贊辛丑和約  
貢五品京堂充政務處幫提調大學堂總辦譯學館監督三十一年以鴻臚寺  
少卿督廣東學政改提學使疏辭命總理廣西鐵路三十三年擢郵傳部侍郎

當是時政潮激烈有詔預備立憲舉朝競言西法無敢持異議者於是式枚奉命出使德國充考察憲政大臣瀕行疏言憲政必以本國爲根據採取他國以輔益之在求其實不徒震其名我朝道監百王科條詳備行政皆守部章風聞亦許言事刑賞予奪曾不自私有大政事大興革內則集廷臣之議外或待疆吏之章勤求民隱博采公論與立憲之制無不符合上有數誠無約誓下有遵守無要求至日久官吏失職或有奉行之不善海國開通又有事例之所無自可因時損益並非變法更張惟人心趣向各異告以堯舜周孔之道則以爲不足法告以英德法美之制度而日本所模仿者則心悅誠服以爲當行攷日本維新之初卽宣言立憲之意後十四年始發布開設國會之敕諭二十年乃頒行憲法蓋預備詳密遲慎如此今橫議者自謂國民衆衆者輒云團體數年之  
中內治外交用人行政皆有干預之想動以立憲爲詞紛馳電函上屢宸慮蓋以立憲爲新奇可喜不知吾國所自有其關於學術者固貽譏荒陋以立憲爲即可施行不審東洋之近事關於政術者尤有害治安惟在朝廷本一定之指

歸齊萬衆之心志循序漸近先設京師議院以定從違舉辦地方自治以植根本尤要在廣興教育儲備人才凡與憲政相輔而行者均當先事綱繆者也臣前隨李鴻章至柏林略觀大概今承特簡謹當參合中西同異歸極於皇朝典章庶言皆有本而事屬可行是臣區區之至願明年調禮部侍郎時新黨要求實行立憲召集國會日亟式枚上言臣徧考東西歷史參校同異大抵中法皆定自上而下奉行西法則定自下而上遵守惟日本憲法則纂自日臣伊藤博文雖西國之名詞仍東洋之性質其采取則普魯士爲多其本原則德君臣所定名爲欽定憲法夫國所以立曰政政所以行曰權權所歸即利所在定於一則無非分之想散於衆則有競進之心行之而善則爲日本之維新行之不善則爲法國之革命法國當屢世苛虐之後民困已深欲以立憲救亡而適促其亂日本當尊王傾幕之時本由民力故以立憲爲報而猶緩其期中國名義最重政治最寬國體尊嚴人情安習既無法國之怨毒又非日本之改造皇上俯順輿情迭降諭旨分定年期自宜互相奮勉靜待推行豈容欲速等於取償求

治同於論價至敢言監督朝廷推倒政府貿動浮言幾同亂黨欲圖補救之策  
惟在朝廷舉錯一秉至公不稍予以指摘之端自無從爲煽惑之計至東南各  
省疆吏當慎擇有風力知大體者鋼攝之當十年預備之期爲大局安危所繫  
日皇所謂組織權限爲朕親裁德相所謂法定於君非民可解故必正名定分  
然後措正施行臣濫膺考察斷不敢附會時趨貽誤國家得罪名教章下所司  
尋調吏部侍郎上海政聞社法部主事陳景仁等電請定三年內開國會罷式  
枚謝天下嚴旨申飭褫景仁職式枚復奏言德皇接受國書答言憲政紛繁慮  
未必合中國用選舉法尤未易行又昔英儒斯賓塞爾亦甚言憲法流弊謂美  
國憲法本人民平等行之久而治權握於政黨平民不勝其苦蓋歐人言憲法  
其難其慎如此今橫議偏於國中上則詆政府固權下則罵國民失職專以爭  
競相勸導此正斯賓塞爾所云政黨者流與平民固無與也伊藤博文論君臣  
相與先道德而後科條君民何獨不然果能誠信相接則普與日本以欽定憲  
法行之至今如其不然則法蘭西固民約憲法何以革命者再三改法者數十

而猶未定臣愚以爲中國立憲應以日本仿照普德士之例爲權衡以畢士麥由君主用人民意見制定及伊藤博文先道德後科條之言爲標準則憲法大綱立矣章下所司又以各省諮詢局章程與普國地方議會制度不符大旨謂改革未定之時中央政權唯恐少統一堅強之力而國民識政體知法意者極少驟以此龐大政權之地方議會橫亘政府與國民之間縱使被選者不皆營私武斷而一國政權落於最少數人之手刦持中外大臣後患何可勝言因證以普制逐條駁讓先後譯奏普魯士憲法全文官制位號等級暨兩議院新舊選舉法式枚以三十三年冬行宣統元年六月返國以疾乞假張之洞遺疏薦式枚堪大用轉吏部侍郎改學部侍郎總理禮學館事修訂法律大臣國史館副總裁國變後僑居青島未幾卒年六十三諡文和式枚生而隱宮精力絕人夜倚枕坐如枯僧內介而外和易論事譽謗頗有聲公卿間云

沈家本字子惇浙江歸安人少讀書好深湛之思於周官多創獲初授例以郎中分刑部博稽掌故多所纂述光緒九年成進士仍留部補官後充主稿兼秋

審處自此遂專心法律之學爲尙書潘祖蔭所稱賞十九年出知天津府治尙  
寬大姦民易之衆衆鬪於市即擒斬四人無敢復犯者調刺保定甘軍毀法國  
教堂當路攝於外勢償五萬金以道署舊址建新堂侵及府署東偏家本據府  
志力爭得直拳匪亂作家本已掘通永道山西按察使未及行兩宮西幸聯軍  
入保定教士銜前隙誣以助拳匪卒無左驗而解因馳赴行在授光祿卿擢刑  
部侍郎自各國互市以來內地許傳教而中外用律輕重懸殊民教日齟齬官  
畏事則務抑民民不能堪則徵而一逞往往焚戮成巨禍家本以謂治今日之  
民當令官吏普通法律然中律不變而欲收回領事審判權終不可得會變法  
議起袁世凱奏設修訂法律館命家本偕伍廷芳總其事別設法律學堂畢業  
者近千人一時稱盛補大理卿旋改法部侍郎充修訂法律大臣宣統元年兼  
資政院副總裁仍日與館員商訂諸法草案先後告成未嘗以事繁自解其所  
著書有讀律校勘記秋獄須知刑案匯覽刺字集律例偶箋歷代刑官考歷代  
刑法考漢律摭遺明大誥校令考明律目箋他所著非刑律者又二十餘種都

二百餘卷卒年七十四

論曰自變法議興凡新政特設大臣領之百熙管學務家本修法律並邀時譽  
景崇之主教育謀溝通新舊式枚之論意政務因時損益而大勢所趨已莫能  
挽救家鼐儒厚廉謹常以資望領新政每參大計獨持正不阿賢哉不愧古大  
臣矣